

上海圖書館

索書號碼 \_\_\_\_\_

登記號碼 008989

此冊從陳某南所藏舊寫本轉鈔復以余新得舊刊錢本暨古學彙刊社鉛印  
 本互校改正其卷為之耐冷譚及張西廬節士題詞均某南所增今亦過錄  
 中華民國九年七月三十日吳江柳棄疾記

國初時禾中吳赤溟炎潘力田檀章分詠勝國時事名曰今樂府自洪永崇禎  
每人多至百首互相評騭吾友徐春郊畿亦有明史樂府數十篇刻入春郊  
詩集可補吳潘二公所未備詩格亦相髣髴嘉禾徵獻錄謂赤溟秀水人為東  
籬野人之兄子力田本吳江人年十五寄籍相鄉為諸生國變棄去隱郡城之  
韭溪其詩久已失傳吾家尚存鈔本俟稍有力當與春郊詩合刻之以供博雅  
者觀覽今僅列春郊詩三篇以為嚆矢焉耐冷譚卷十三

題潘力田吳赤溟今樂府  
同邑張西廬雋  
錢遂無般近百年西涯百一亦蒼然尊經閣後憑誰續東瀑吞山見兩賢




今樂府目錄

吳江

潘檉

章力田

著



古濠梁

思滁陽王也

韓真女

美保寧韓氏也事見平蜀錄類古木蘭事

雷老

哀東丘侯也

舊內行

頌中山王也事詳弁州中山王世家

危不如

刺危素也

東角門

譏削諸藩之驟也

雙梅怨

思方學士也

中丞舌

悲練子寧也

牛化虎

悲卓忠貞也忠貞微時寶香山遇隱士事詳獻徵錄

血影石

悲黃侍中妻翁夫人也通濟門橋下石有夫人血影



星犯座  
我行自東  
金川門卒行  
故葛衣  
伯溫兒  
和尚誤  
大寧怨  
把滑歌  
虎顧彪  
折柳枝  
罷南交  
玉泉寺

傷景中丞也  
紀 惠宗出亡也過衡山作詩詩見從亡隨筆  
美龔大章也  
哀河西傭也  
喜劉文成之有子也  
譏姚少師也  
傷棄大寧之失策也  
紀 宣宗之神武也  
美解學士諷諫也  
刺紀綱也事詳錦衣志  
悲交趾之不得終隸版也  
紀 宣宗微行也

閣中帖  
伐樹枝  
悲土木  
國有君  
妾無夫  
龍惜珠  
奪門功  
徵君歸  
玉玲瓏  
楊漆工  
裕陵思  
伏闕爭

頌 張太后也  
述 王振之橫也  
紀 己巳之變也  
美于臨安之善謀國也  
美章恭毅公母也母未嫁而夫死側室有子就撫之  
卒為名臣  
刺徐武功也  
紀 英宗復辟也  
刺吳康齋也事詳昭代典則  
傷 景皇后也  
美楊埏也  
頌 英宗止殉也  
頌 憲宗納諫也

新會潮 太監來 廷無人 昭德宮 望三台 老臣泣 罪壽寧 西涯倒 梳篦謠 豹房樂 囊土諫 思悲婦

閔莊烈婦也仇殺其夫沉於江欲奪婦婦亦自沉抱  
夫尸出寃遂白  
紀汪直亂政也  
感懷恩也  
慶 孝宗篤生也  
刺萬安也  
美君臣之遇也  
頌 孝宗也  
譏李文正伴食也  
如述蜀民之苦兵也民謠云賊如梳軍如篦土兵來更  
紀諸義兒之寵也  
美張指揮英也  
傷寧庶人之違婦言也

留提督 金水橋 田石平 欽明獄 採珠怨 帝南巡 躋獻皇 孝童年十三 建昌侯 兩搜套 權門犬 淳安奴

美楊文忠定變也  
爭大禮也  
紀田州功也  
紀李福達之獄也  
紀珠池之役也  
紀 世宗幸承天也  
紀稱宗入廟事也  
感崔鑑也鑑父惑娼而虐其妻鑑刺殺之告於官  
詔特赦鑑  
哀二張之不得死也  
感王越曾銑事也越成銑敗開疆何罪焉  
嘉趙文肅之伉直也  
美徐寄也事見續藏書



椒山膽  
兩歌妓  
桃窠寨  
前搗巢  
齋宮  
射東樓  
縛板升  
啼鷓血  
惠山婦  
後搗巢  
封關白  
商無礦

傷楊忠愍也  
詠張少華王翹兒也少華制汪直翹兒制徐海少華事見馮元成集中  
譏邊將之怯也  
美劉漢沙河戰功也  
紀世宗玄修也  
傷嚴氏父子也  
喜俺荅款塞也  
刺張江陵也  
美烈婦之衛夫也夫為虎得婦奮而奪之夫遂活見王崑崙集  
疾邊帥冒功也  
刺石司馬誤主封貢也  
美商城令樊玉衝也

銅柱高  
大哉言  
哥莫怨  
東楚宗  
大小東  
鴉鷓關  
三娘子  
馬上檄  
紅鉛獄  
移噦鸞  
客夫人  
驅馬問陽道行

紀平播也  
美歐陽太守也  
述兩宮慈孝也  
紀沈郭之爭楚事也  
悲黨人也語見僚菴野抄  
譏李寧遠棄地也  
美酋婦効順也  
悲劉杜也  
紀庚申之變也  
閔楊忠烈也  
紀乳媪亂政也  
悲熊經略也



寧遠捷  
五人墓  
罷觀軍  
東江怨  
悲賈莊  
走夷陵  
德政殿  
沮南遷  
紅閣詔  
劉復興  
蕪城歎  
赭山

美袁中丞也  
譏公卿之不如市人也  
頌毅宗初政也  
哀島帥也  
傷盧忠烈也詳盧公行狀  
譏楊督師也  
美熊嘉魚也  
疾光給諫也  
紀甲申之變也  
刺降臣也長安土工事  
悲維揚也見義根集  
傷宗社再覆也有無名子題詩事

京口鹿  
十八翁  
仙霞關  
寧夏王妾歌  
明月洞  
南溟霧

感野獸之守土也  
傷黃鎮海也有辭十八翁詩蓋謂天下諸名山云  
悲失守也  
傷李寧夏也事見南粵新書  
美瞿留守張司馬也  
感航島也

評閱姓氏

陸	王	王	余	陸	李	華	吳	李	邢	秉
圻	烈	廷	增	世	實	時	有	模	昉	緒
景	名	雙	遠	蓋	如	亨	涯	灌	孟	嗣
宣	世	白	若	彥	石	仲	茂	谿	貞	服
乍	華	江	水	修	遂	通	申	蘇	高	青
和	亭	陰	紹	崑	寧	無	吳	州	淳	浦

丁	朱	范	徐	惲	顧	方	薛	黃	顏	林
克	士	風	白	日	夢	以	竊	家	俊	雲
振	稚	仁	介	初	游	智	宋	舒	彥	鳳
大	朗	梅	白	仲	與	密	堆	漢	雪	若
聲	詣	隱	白	升	治	之	山	臣	臞	撫
蕭	山	歸	吳	武	江	桐	武	無	桐	長
山	陰	安	江	進	寧	城	進	錫	鄉	洲

劉	周	朱	徐	沈	王	周	王	金	姚	陸
灼	茂	鶴	之	祖	光	燦	潢	俊	宗	坦
伯	蘭	齡	瑞	孝	承	閣	元	明	典	履
承	子	長	蘭	雪	玠	昭	倬	孝	文	長
紹	佩	孺	生	樵	石	吳	江	章	初	嘉
興	蘇	吳	杭	烏	華	江	寧	吳	長	定
	州	江	州	程	亭	江		縣	洲	



孫永祚	子長常熟
汪 颯	魏美杭州
徐芳聲	徽之蕭山
歸 莊	玄恭崑山
吳懋謙	六益華亭
錢肅潤	礎日無錫
吳繁昌	仲木海益
沈 榮	仁叔烏程
葉雷生	蕃仙紹興
朱用純	致一崑山
張 梯	木弟紹興
陳三島	鶴客長洲

魏 耕	雪竇慈谿
董二酉	誦孫吳江
朱 鎰	彥兼吳縣
顧有孝	茂倫吳江
葛雲芝	瑞五崑山
金 甌	完城秀水
葉繼武	桓奏歸安
顧 樵	樵水吳江
陳 瑚	言夏太倉
徐 晟	禎起長洲
李 遜	之膚公江陰
徐 行	周道歸安

錢 重	鐘銘歸安
潘 陸	江如鎮江
黃宗炎	晦木餘姚
吳 騏	日千嵩江
趙 瀚	砥之吳江
朱明德	不遠嘉興
文 柟	端文蘇州
徐 增	子能長洲
林佳璣	衡者莆田
毛奇齡	大可蕭山
金廷韶	二如紹興
錢纘曾	允武歸安

陳濟生	皇士長洲
施 謹	又王吳縣
徐 嵩	松之吳江
祁班孫	奕喜山陰
葉世侗	開期吳江
周撫辰	其凝吳江
王錫闡	寅旭吳江
吳宗泌	西山吳江

祁理孫	奕慶山陰
程 棟	杓石山陰
姜廷梧	桐音紹興
周爾興	去機吳江
戴鼎立	耘野吳江
文 果	園公長洲
吳宗潛	東籬吳江

朱 臨	載陽嘉興
呼 谷	德下崑山
李 炳	文中蘇州
許 濼	箕屋長洲
方 將	田伯桐城
鈕明儒	晦復吳江
吳宗漢	南村吳江



吳子今樂府序

余雖不能詩然好言詩自漢魏六代被乎三唐而止矣國朝作者崛興洗宋人之陋獨樂府規模古調未能卓然李文正詠史之作得少陵遺意惜其體弱不能起其文嘗與吳子言而然之余又好言史少讀左氏司馬書即窮其堂奧若班若陳猶有良史之風范氏蕪累已多自晉以下無譏焉而司馬通鑑總荀袁諸氏之長雖以質勝要亦編年之善也嘗與吳子言而又然之然余固不能為史嘗作通鑑後紀起有宋以引蒙古其入國朝則為長編頗采實錄家傳旁及輜軒勒成數百卷而吳子適過余深言編年之體往往一人一事而跨越數世文易牴牾義難綜貫又况律曆兵刑之事本末不備故自漢以來守太史公家法本紀年表猶編年之綱而世家列傳其目也予竊欲續史記述漢太初以後迄宋祥興本紀略具而載乘繁蕪未遑卒業今以子之志益相與為明史記網羅天下放失舊聞取材於長編而折衷於薦紳先生及世之能言者以



成一代之書余又聞而然之吳子善詩與史皆十倍於余而其好之篤則余不敢多讓也草創且半同志者或謂余兩人固無狗名失實之病然所褒貶多王侯將相有權力者且草莽之臣見聞多隘子其慎諸兩人謝不敢私念是書義例出入必欲質之當今取信來世故不得已而託之於詩則今樂府所為作已解題二卷余勑之而吳子成之其詩則吳子倡之而余和之既成而讀之相樂也已而遂相為序不敢輕乞名公長者之一言蓋非序今樂府之難序吾兩人所託者之難也讀吳子我行自東悲土木赭山諸章則本紀之權輿乎古濠梁舊內曲伯溫兒國有君又年表世家之本也伏闕爭躋獻皇作而禮樂郊祀書具矣龍惜珠作而河渠書究矣大寧怨兩搜奪套前後鳩巢作而邊防書飭矣梳篦有謠而律書陳矣採珠有怨而賦役食貨諸書晰矣欽明有獄紅鉛有獄而刑書密矣他若雷老危不如之作也傳開國臣之初也東角門星犯座之作也傳遜國臣之烈也和尚誤玉泉寺之作也傳靖難臣之遇也老臣留提督

之作也傳中世名臣之盛也悲賈庄蕪城歎明月洞之作也傳殉國諸臣之終也把滑之歌楚宗之哀可以訓宗室昭德宮建昌侯可以箴外戚而徵君歸覈儒林也望三台射東樓責宰相也折柳枝豹房樂譏佞幸也囊土諫椒山膽重直臣也兩歌妓三娘子刺將帥也閣中帖客夫人戒宦官也楊漆工五人墓壯游俠也韓真女妾無夫廣列女也大小東移噦鸞痛朋黨也齋宮惡方技也罷南交封關白警四夷也夫吳子之志如此則其詞之工拙音之高下且不必論而况予乎然其善善惡惡合春秋之旨雖余亦無弗同也者無弗同則余又何已譽吳子假令樂府出而有識者取吾是非而非是之則所濟乎史事者不既多哉吳子名炎字赤溟原名錫珩字顯庚邑之莊谿人

同學弟潘檉章撰

今樂府

古濠梁

聖人出日月明仗三尺游濠城門者不識將軍驚覺之沐之以為甥將軍擇甥

得天子駕六飛龍王業始將軍之功比義帝義帝不祀滁陽祀 聖明澤含

萬世

數語中英雄巨眼帝王厚澤千載如見帝

韓真女

韓真女從軍七年猶處子揮手辭峨嵋轉掠昆明裏贖身費十銀生得還桑梓

爺娘已死兒歸來容顏半非聲尚似君不見北印蕭蕭土花紫鬚耶眉耶蒙面

吳江吳 炎赤溟著  
同學潘樞章力田評



死前木蘭後韓氏二千年間兩男子

令我讀

雷老

東丘夫婦何峩峩忠臣死君妻死夫更有侍婢收遺孤寄兒漁家身未死脫身  
竊兒土窰裏欲渡不渡棄江水乘浮槎食蓮子七日夜波不起夜半聞人殺自  
言雷老是引兒東向見天子天子抱兒泣且捫將種未絕雷老恩賜衣名見  
不可得此老恐是東丘魂

善語鬼神情狀

舊內曲

車南馳狐北走歸來為君壽今日大樂與天相守簫鼓何嘈嘈笙竽何閤閤清  
歌妙舞佳哉紛帝言卿昔為我兄今為我臣我倚兄力使我新居夥何沈沈  
我有舊舍勿灑勿掃還當歸兄日入月出客既醉中涓扶掖來舊內御榻鼾睡

醉不知須臾半醒王知之驚起向榻百拜呼萬死天顏咫尺臣敢爾小心惴

惴帝所喜長安甲第崇隆起鐘山崔崔江水瀾瀾帝言與兄相知世世子

孫長命無衰誠矣哉

千古盛事

危不如

東閣門開帝在御履殺橐橐簾前度詔問為誰歟自言老臣是危素天子忽  
念文天祥七十老翁心膽破報恩井和州祠死不早何懼為獨不見燕都馴象  
猶戀胡不飲不食雙淚俱危不如危不如可憐一獸猶區區

愧殺千

萬危素

東角門逢皇孫金川門天子奔北為王南為虜出郊壇自愁苦白面書生空  
詡詡五十萬師輕一羽莫逐燕燕高飛高飛入帝畿吁嗟子澄胡不知

雙梅怨

可憐可恨却不  
為子澄出脫

諸藩平天下寧寧不寧殺子澄禮樂作天下樂樂不樂殺正學帝言朕家事

先生勿勞苦臣言死即死草詔義不可先生魂從惠皇先生骨留帝鄉雙

藏孫枝尚一葉聖恩難可量嗚呼聖恩難可量

種道旁青青者非垂楊嗟女種生教坊日夕望涕數行十族為之遺骨翻得

厚忠

中丞舌

成王走周公帝二三孤臣死不避願為良臣良臣安可為願為忠臣身亡族赤

寧足悲臣舌尚在天能啣臣舌雖割心難移宮中屍不可別地上書不可滅金

川玉屑留人間何繇獨割中丞舌

中丞不  
死矣

牛化虎

寶香山中夜風雨騎牛歸來忽化虎忠臣靈爽天所憑魍魎當之不敢取北平

地勢天下無內遷自可銷兵戈時來不得顧骨月徙薪曲突原良圖臣言不用

燕果入臣死猶慙有餘責廣孝欲殺成皇憐三十年間養士力

卓忠貞決無活理但  
成祖憐才意自不可沒

血影石

夫死羅刹磯婦死通濟門婦先夫死夫不負江上小塚埋貞魂夫血碧婦血赤

李陽河水鳴激激東流直遶都門石夫人血影千年識

此亦干  
秋筆也

星犯座

客星夜犯紫薇急孤臣朝披緋衣入帝心忽動重索之腰間利刃如霜色君

亡身殉未足奇大功不就天所為帝能剖我腹磨我肉剝我皮不能使我不



為厲群神百鬼皆披靡君不見趙襄仁豫讓死新君憐忠臣故君知國士臣自報智襄子

靈到都無用處威

伯温知興兒知廢高卧不作飛龍御國事反覆臣可誅檻車更入長安去臨行別姻戚曉曉何多辭天王自神武魏徵義不為今日死生分已決不記北平宮中對奕時嗚呼此真伯温兒

生燁燁有

金川門開一卒哭入門出門義不復拋我舊時戈披我堂上書書中無他言但道忠孝當何如勞勞勸駕何其愚君不見燕山卒調衛不肯行清遠卒上書請息兵一卒死路旁一卒生為卿不如金川門卒白首猶橫經卒乎卒乎安可輕

龔大章真

故葛衣君衣緇臣衣葛君臣相看淚流血緇衣新葛衣故師弟相從歲空暮河西老傭依莊浪夏布冬裘葛居上補鍋塞馬又何為人天漢龍飛夢猶壯金城寒葛衣單餘錢買酒寧共乞兒飲不能齷齪出見留都官傭且死囑主人幸無埋我西

赤漢謂予云作程史列傳當做伯夷傳

北風來請從火可憐容骨非吾土我行自東衡山路誰家土有龍蜿蜿失其所羣蛇從之亦無處故東非我東西非我西南非我南北非我北西洋一使為我出莫豆相煎何太急哀哀獨向衡山泣

黃斯安時在齊

和尚誤



姚和尚誰教汝殺人汝所殺人多忠臣誰喚汝歸來歸來誰肯與汝親汝車汝  
馬汝公汝侯不識汝面但憶汝頭養子不作和尚駟和尚不了為汝羞

大寧怨

老无直  
得一罵

遷我大寧司設爾朵顏衛羣胡歡喜頭搶地漢天子我主人世世服事不敢作

他計三百餘里食土之氓為胡作奴還為胡耕胡兒好殺難與同處我獨何辜

使我為虜我既為虜當與漢仇張弓挾馬使汝漢兒不得休吁嗟肉食無良謀

把滑歌

懷惻不  
忍竟讀

前人失脚後人把滑還有後人汝謀莫發樂安城中空無人狗亦不敢吠雞亦

不敢鳴但坐天子來親征嘗時使人至京師索衣與馬我兄我姪乃肯相假

今日滑不得把翻令兒曹笑欲啞庶人有力能拔山何繇骨化銅缸下

虎顧彪

當與燕王曰夫婦歌並傳但彼是自述故多悲  
涼此是代述故多悔恨結語更使作賊者心冷

成皇百戰有天下太子能仁漢武帝言漢王真類我我欲易儲何不可讒

夫在側言翩翩父子深恩幾不全四解謳吟向監國可憐髮白難重玄神龍威

擾可狎明主私義可奪虎彪題詩天意合留都一使為卿發數字能收社稷

功何繇不遣書生活

解大紳原是鹵莽小人  
此詩却是關係不小

折柳枝

折柳枝鼓復譁天子不及臣爪牙大司馬復息天子不及臣羽翼服王

服冠王冠觴萬壽心所歡鞭通侯擇女子亡誰何心獨喜臨邑書生矯鬢鬢翻

手生人覆手死鮮衣怒馬長安市柱後惠文安足比

緹帥氣  
賦乃爾

罷南交

漢廷士多侏儒罷交趾意則那征之不足棄有餘坐令千里非皇輿開平失北  
如 衛疎安南叛南藩孤稱仁說義何有無何不為 天子掃穹廬四夷之守當何

賈不得開口輩

玉泉寺

天下平可微行 聖天子何自輕蹇尚書嘗勸我楊學士胡不可明月下 天

顏開思卿 言朕故來老臣惴惴心徘徊伏莽竊發誠可危玉泉寺聚不逞社

稷靈吏所詞寄言謝相君始知卿愛朕

西揚有光矣

閣中帖

有明及六葉 天子方九齡亦頗昵小豎何以致太平皆言有 聖母垂拱當

宮庭盛德幸自謙委心任公卿十日索閣帖還以驗所行是時三相公伴食徒

營營不能弭禍機璫勢遂得成一朝失 聖母社稷敬欲傾始知 聖母力乃

與太姒并

聖母固聖矣三相君何在

伐樹枝

司禮先生共天下王時振為先生英宗稱國子先生不相借明倫堂前樹陰陰一枝可

伐禍可嫁錦衣何轟轟受縲紲猶從容昔年斷骨猶自接何妨荷較較成均中

諸生號泣奔且仆微而顯曲而中宮中獨憐會昌奏少年 天子知不知且放先生賀孫舅

微而顯曲而中

悲土木

夜出北郭門朝度居庸關前風雨不可度驅斥將相行蹒跚朝發懷來城暮

宿土木營營中金鼓慘不起黑雲四匝鴝鷓鳴一龍墮群狐驚雲端暫下猶神



靈交龍隱火有天意那顏自博千秋名乘  
天子可憐肉食隨小璫宛轉胡兒馬前死  
乘輿再入萬方喜一日欣逢兩

斟字酌

國有君虜不聞虜既聞還爾君舊君來新君喜東安門兄讓弟盛德直與唐虞  
似誰其誤者更太子滿廷御賜暗不言何繇獨令于謙死

忠肅當此亦難為辭

烏啞啞啼樹枝空房婦嘗若悲婦見夫方殂時婦執喪妾生兒兒初生妾乳之  
兒能言婦教之兒讀書婦當機月方落雞初啼黃泉下當知之兒為郎婦入京

君過不諫兒何生兒能死諫大義明大風雷雨雷砰砰黃沙塞晝晦冥謂兒死而  
更生兩年獄千秋名無夫吟不忍聽座中何人能不淚零何當巾幗中乃有生

程嬰

盤中詩言至情此詩言大義自覺後來居上

塞張秋當奈何木石百萬殫為河至人無欲龍有珠沸鐵下灌龍其逋決口可  
塞功最多龍有欲人可制人有欲死不避神功續禹徒區區千載嘉名竟誰是

嘗以冷語銷奸雄威

奉天門夜半開鳴鐘鼓千官來新君西宮去舊君南城回諸臣愛富貴兄弟無  
嫌猜奪門功封拜速中興功意有獄都人閣淚不敢哭何事官高心未足金齒

他年同反覆

徐武未

徵君歸

山中客來帝廷誰薦者石武清 天子虛左群臣驚皇皇 天語何丁寧躡蹻  
便可登公卿早知宮僚臣不行李相公心不喜放徵君但給米山中歸來鶴應  
耻曾作武清門下士

赤漢作史於本朝理學諸公極力推許獨不滿吳徵君陳白沙自是公論

景讓天下 后亦還故宮猶子念舊恩宮物使得從玲瓏玉繫腰歲蕤色不

同服繫既有年并出深宮中睚眦小人態借此求先容奉詔重詰問但坐玉玲

瓏后聞使來淚下翩翩傳呼使者語汝一言欲言哽咽未及得言探懷中玉

投地下淚不可止為我擊碎持送井底念我未亡人行復爾耳

此小人壞大體往往如楊漆工此足使壯士立髮

誰從 皇帝歸 帝曰袁錦衣誰張 皇帝威 帝曰門指揮門指揮何轟轟

先殺錦衣後殺公千官袖手盲且聾朝廷若無楊漆工何人敢袁彬功

千官羞死

皇皇裕陵為國親征一年遜沙漠六年錮南城聖躬試百難天下方太平遺詔

止殉葬盛德通幽明持此付東閣閣臣皆失聲思我 裕陵裕陵誠可思從今

不用朝天妃 裕陵思

聖德真

於穆 憲皇事親有虔以道勝私人無間言昊天不弔喪我嫡母山陵之議不

伏闕爭

可以口 解廷臣據禮以補袞職 天子柔嘉假汝顏色殿外誼誼繼之以泣帝

命勿遽惟予尚有母恐不可得解臣曰禮有闕不敢逃責維 帝孝不墮則

母后之格 母后聖善俞命以出百僚歡躍願 皇太后 陛下增壽千億

三解



大義既明大禮既成惟天子不矜惟諸臣是爭度越往者民莫能名傳之後

世以為光榮解孝皇所歎乃及大臣體國不怠以成西我先君子當與官

師共襄厥美迪詔我後人解乃奠仁壽更卜之吉更作之域惟在天之靈母敢

干嫡兩朝之議君聖臣直漢唐王顯王承古莫與京是以其德傳稱解

新會潮以君聖臣直漢唐

新會潮子復午貞婦屍上復下繞仇門聲轉怒仇已誅碑更立貞魂猶逐潮頭

泣寫生手正

太監來

皇帝來不寫生手正

北伐仗此兩鉞問鉞何名陳鉞王越小璫微言大璫罰天子神明寵潛奪淳

于優孟何多言尚不及阿丑滑

廷無人直叙自老

廷無人小豎耻寶易官詔可止外廷何不言諾諾復爾爾廷無人可奈何纍纍

若若何其多天下只有王尚書

昭德宮簡而

紀妃紀妃娠兒萬妃怒兒當為龍娘不墮西宮六年神所護悼恭歿後聞貴妃言

何不令我知當令紀氏還我兒免還昭德母可移一十八年太平主至今國史

生光輝吁嗟貴妃何怒為

望三台甚冷

三台歿相君入三台明相君行貴妃為之妹中涓為之兄宮中秘藥梓鐫者臣  
安名太監摘牌公可行以死報國國欲傾胡為乎徘徊道上猶望三台星嗚呼  
三台爛爛兮天王聖明

萬文康枉  
做小人矣

老臣泣

漢室九葉宜昌 聖主秉德當陽爛若朝日齊光元老賡歌明良魑魅宛轉遁

藏一宣夏官尚書再宣御史大夫便殿久坐人扶平臺下階日晡天顏咫尺敷

愉兩賢秘計同紓君臣道合無私將順不廢箴規大夫有疾思歸 天子歎息

獨悲家人父子等情何如主人留賓禮意悃欵可停老臣涕淚盈盈此身莫問

死生天道謙尊愈光恩深澤厚難量邂逅際會虞唐骸骨俾也可忘一客騎箕

先行主人鼎湖遽仙留者急去猶嫌老臣惆悵自憐 天子胡不萬年

君臣之義感使我留連不置

罪壽寧

李主事無忌諱獨不畏 皇后嗔乃敢言二張罪宮中請殺應詔人 天子能

伸直臣氣下獄不受刑復官湏臾事南宮夜游召二張大張獨對心傍徨免冠

觸地不可止左右遙知為夢陽

真善  
叙事

西涯倒

東登東山以望西涯西涯傾側使我歎嗟維彼二相不撓于邪莫裨袞闕拂衣

還家亭亭竦峙其名紛葩何為委蛇志願獨乖樂哉殊復樂志願獨乖一解謂爾

如山其石巖巖謂爾如斗下民所瞻顏形匿光東西蜿蜒浮雲翳日黃霧蔽天

政出小豎官以賄遷爾乃獨留伴食其間二解中書赫赭晨入暮歸回首湘江荒

草離離鷓鴣啼罷更聞子規日月炤耀狐兔驚摧子失其黨顏面施悔不早去

使自單疲三解蕭蕭白楊幽幽重泉行當適此撫躬自憐易名之典泣荷諸賢祖



道都門何不一言解

赤溟作傳以李文正配胡文穆因子言更之謂余曰文正泉下荷君矣余曰尚有西涯倒一章奈何

梳篦謠

武皇御天極小豎亂其網潢池起如蝟借號於蜀方官兵不可恃隱忍用土兵

千里無狗吠百里無雞鳴兵賊無勝負一縱復一橫南行到滇西到秦北到楚

不見官軍殺真賊但見悲風苦雨屍骸相支柱賊梳我軍篦我土兵來更難我

我不為賊苦復苦我欲為賊義不可親戚已盡一身難獨完不如早向黃泉下

悲涼中不

豹房樂

大內樂不如豹房樂豹房左右皆我兒番僧樂工恣諧謔長安城頭日已晡百

官候朝前却天子尚枕錢寧眠爾曹禍福寧所作豹房不如宣府樂豹房都

城中尚聞諫官言聒聒宣府兵精食足天下稀臣能發兵十萬為君坑那顏定

沙山川麗畸萬物豐普婦女綽約勸君盤桓殊不惡江彬已進寧可殺諸兒復

道江南樂木蘭可為船青絲可為竿蛟龍勢盤拏黃金自相錯江流曉漁酒夜

酌妙舞清歌動心魄江南樂何如豹房樂

南村以此詩太近譏訕不得詩人忠厚之旨余謂諸義兒幾壞天下直叙正爾快人然南村忠厚赤溟激烈兩人心事可見

囊土諫

蹶蹶踏踏囊土當蹕當蹕何為願車駕勿出豫章逆圖傳者急陛下南行

當遇賊臣欲不言安可得臣非不知死者言生者嘿誠不忍見廟廷生荆棘臣

今割及來赴闕自有土囊盛血弗污天子蹕法司阿義兒小臣愛聖德鐵

柱折御溝溢凝雲陰陰白日黑天地塞南行之議乃可息用臣言碎臣骨九京

深深含笑入土囊留血當化碧

前人無為張指揮

思悲婦

思悲婦婦誠可悲思我佐命臣一何纍纍婦當為后婦獨悲悲婦也我思逐鹿

遺鏡音鼓留提督

江提督勿鹿鹿有詔留請就縛問關者安所得詔答言上奉皇太后下奉相

公教汝是關外健兒相公縛爾汝汝不知汝能搏虎不畏汝一力士力大如許

京師嗷嗷夜相語今日百萬爭起舞縛江彬天乃雨

楊文忠計擒江彬不動聲色作史者概欲金水橋

金水橋號多士左順門呼二帝九關峩峩闔闔閉小臣無力回天意白日忽

震雷霆威百八十人血殷地十九人死餘者生夜郎交趾無歸犬禮議徒紛

紘繼統訓胡不聞天子不忍忘死父臣豈敢欺生君

令我呼

田石平

田石平安南何不安南險且遠徒殺中國兵相君勤遠略幕府先內寧功高

自生謗浮言豈足憑縛宸濠封賞薄輯諸蠻議啗啗田州絃歌胡不樂盧蘇王

受皆客作臣能使南人不復反不能逢璉與萼

璉萼固可畏然田州欽明獄

李福達作賊兩見脫外臣欲殺內臣活郭公私書馬公發貴人黨賊賊不拔諫

官誼誼皆可殺帝言汝曹自可殺張寅何為及我議禮臣議禮臣在帝側

為帝清問無失入此朝有口善羅織用我四人情可得不然獻皇難廟食

張乎李非乎是言張者生李者死不死猶應配千里法官纍纍空曹行欽明

大獄頌新梓汝曹有耳聞不聞何為敢觸新貴人貴人能撩天子嗔貴人言



是張寅

採珠怨結甚語

使珠為粟不足以飽腹使珠為金不足以濟貧水何生珠使我勞苦生珠尚可採珠殺我池水百尺珠不可得珠生無時我飢更急飢亦不悲溺亦不怨誰使珠還使我離患

帝南巡

樂府教調人知壞於齊梁不知李長吉輩鬼怪語一出

帝南巡歸舊藩匪改遊相寢園帝之發車偈偈望南雲中心怛帝之止般

美美旌合沓馬騰被帝之行百靈俱恐勞民疾馳驅帝之至萬國會雲困

困星晰晰上顯陵謁玄宮氣佳哉鬱以蔥享上帝配皇考歌嘉樂錫難老望

山川徧群神福滂洋瑞應臻嘉禮成駕將北召父老賜酒食發承天德音降神

既安勿遷葬渡榮澤軫皇心嗟流離發帑金還京師期不遠日七十往復反

維德氣完固奉慈宮以南祔梓宮南江漢沮荷天庥先以雨漢効靈波不興兩

寢合皇心寧四澥澤帝所膏舉大事民忘勞粵聖孝格於天騰歡歌頌

萬年

得頌體房中歌不專美

躋獻皇

天子崇本生追王心未已奉之太廟位可躋不論君臣論父子先稱皇後稱宗

誰贊者郭翊公奉養章聖日益崇昭聖寂寞難與同百官稽首受成事無人敢

言調兩宮昔年伏哭亦草草不見殿前腥血猶殷紅

一出風霜

孝童年十三

孝童父都門商胡為不行賈北到遼南到荆與揚但坐買得邯鄲倡邯鄲倡難

與處父愛新人母遭筮楚兒行自學舍歸見母涕泣哽咽不得語兒潛行挾利

幾

南社叢刊



及至倡所倡方低頭灑掃口何喋喋從旁刺之洞左脇倡宛轉兒傍徨殺人者  
死兒可當兒行入公堂府尹南向坐兒北向前置詞為母殺人死不悲府尹言  
汝年十三為母殺人誰教汝為呼吏前勿苦此兒此兒純孝當令天子知既  
減死行且編成關外兒可去兒未去街鼓夔夔赦書至

逼真漢作不獨  
以此擬為工

建昌侯

仁壽宮母天下建昌侯威可炙一朝失勢同孤雛今日殺人罪不赦罪不赦當  
奈何助我者少議我者多兄死因國中弟死長安市聖母空傍徨不能庇兩  
弟黃金侯作門白玉侯作堂依倚中宮勢出入生輝光生前不謹死不葬富貴

何如灶下養

富貴

兩搜套

前搜套王威寧後搜套曾中丞威寧倚中宮小試功已成中丞倚少師少師新  
見輕套可搜出師自有名套不可搜師未出安用先殺夏與曾兩君功名士意  
氣還自傾上有滄浪天下畏黃口兒丈夫生死不可知無罪駢頸西市下猶勝  
牀頭宛轉時嗟少師悔何為

桂州因石塘極為有  
題目介溪後來何如

權門犬

天子門虎所伺相公門犬所吠犬吠喧喧虎為怒何事小臣言退虜汝能退虜  
汝可行加汝官昇汝金出門但見仇將軍犬之黨思奉相公歡不受天子賞  
虜向玉關去使望都門歸車中銀故在閩外事已非天顏咫尺臣顏覲幸  
逢明聖死可免荔波萬里行蹇蹇從今勿觸權門犬

大洲終為嚴氏籠  
絡想亦悔此舉耶

淳安奴



行至淳安門感彼徐氏奴徐氏兄弟別產居伯得一馬仲得一牛其季寡婦無所得但得踉蹌老蒼頭寡婦涕泣奴言勿憂奴年雖老猶能為主作馬與牛婦入房索簪珥賣得銀兩鏹使奴行賈販漆入山利數倍往復還歷二十載徐氏良田美宅參差淳安間為主教兒為兒娶婦老奴可死義不負奴且死出兩楮楮何所書為兩郎析家計無他語黃泉下報主人寸絲粒粟奴不取獨不見伯耶仲耶馬牛力盡還遭烹兩郎肥牛快馬馭馭官街行

椒山膽

此奴不

馬市開誰當大臣不言小臣言迢迢狄道豺虎邊萬里幸不死中歲忽四遷皇恩何以報願擊城社奸諫書夕入朝受杖血光模糊神獨王椒山有膽豈怖死丈夫不倚蚺蛇壯長安西市天茫茫奸臣食肉忠臣殃觀者太息涕數行椒山之膽方開張仰天大笑日無光向闕再拜願 陛下壽千霜生時無益聖明

臣死不敢忘

忠臣之言

袒而呼寇入吳飄以忽寇入越官軍張弧走不發坐見千里壘枯骨倭耶賊兼

耶直巨艦為城島為國蔣生一行情始得謂兼勿陸梁不聞直已降謂直勿偃

蹇不聞兼已歛直未來兼先至不用官軍用歌妓五年劇賊妓可制幕府論功

誰者是女戎獨勝所云不見當年沼吳計

人但不知徐兼有王翹兒不知汪直亦有張少華聚天下兵力不能滅賊大功乃出自兩妓胡宗憲輩將略安在

關門開胡婦入致之闕下貢可得欲歸不歸胡騎索送叛兒問台吉弭邊患

問朱笈叛兒亦不來邊患亦不弭入關出關胡婦死大冠帶劍空費長安米區

區胡婦安足倚

幾

南社叢刻

寫出潦倒行  
事且憤且笑

前搗巢

漢兒莫悲胡莫舞雲中新將智且武我欲殺胡勇可賈胡南窺漢北往輕師夜

夾沙河仗胡兒歸來獨惆悵喜峰口休作巢漢家今有霍嫖姚豐州城休作帳

漢家今有李飛將

說得人動

齋宮

真人在御德被及埏天下已治憂無遐年解出入天門群真相存窮覽有無以

究道根解軒轅九皇並駕翱翔下視濁世細于糝糠解要言不煩至道可為上

天篤祐誕界朕師解四胎我大藥來自帝庭其光燁燁服者先升解冠盜屏息

年穀屢豐朕師告我惟修玄功解六憫茲群工佐朕以勤爰護齋宮爰撰青文解

朕有好爵載酬爾勞蓬萊方壺及爾偕遊解八朕在高穹寢食帝所比及千年我

顧見汝

九解讀此覺遊仙諸  
詩如嚼蠟矣

射東樓

射高山矢弱山崢嶸射東樓樓高還自傾樓俯平田覆草米小兒名字依稀是

高皇靈爽來告臣况有華亭相君指嗟高山山高何逶迤不記鈴山堂上岑

寂時今日富貴忘此為眼昏神憊不能識聖意諸司關白但遣東樓知樓雖

高基已朽冰作山不能久一矢其巔眾矢注其後天子尚念修玄功御史自

索逋逃數東樓傾高山崩黃泉下負我婦婦言在耳當年何不聽

進言人往相幾希旨但  
殺此老賊適當人意耳

縛板升

秋風獵獵吹邊沙腹裏千里無人家夕烽爛熳炤雙闕荷戈百萬無休歇為漢

患者中行說教胡墾田積粟收智士與漢共謀漢可赦要當塞鴈門扼居庸躡



上谷據雲中契丹拓跋先後雄漢兒匍匐頓首稱乃公板升赫奕且莫喜小酋  
欵關大酋耻良將伐謀不在戰能制胡兒妻與子前得汝妾今得汝兒汝欲得  
兒問汝妻妻言漢還我兒我當世世稱臣互市不敢復為非鼓咽咽送兒去醇  
酒肥羊兒大舖錦衣繡鞞光滿路群胡夾轂喜復妬從前背漢真大那吉生縛  
板升貢議成西塞寧

舖揚中有微  
詞讀者當知

啼鵲血

張江陵何汲汲馮璫猶在可再入父死何繇歸不得李文達誠可師羅倫小子  
無所知爾曹安用殺我為寧國生自罹酷萬言空託中丞牘相公不聞身死獄  
毛山人勿饒舌宮袍錯訝啼鵲血相公不知身幸脫 帝留相公相公何不歸  
帝厭相公相公欲歸不得歸骨月未寒事已非一朝失策千秋譏不然社稷  
功國史猶光輝

赤演真愛  
江陵者

惠山婦

昔有劉平妻力能殺虎夫不活今有惠山婦生夫還向虎口奪夫死虎亦死夫  
生虎亦生猛獸避健婦此物豈有靈王山人能紀婦事不紀名聞者足使千秋  
驚君如夫臣如婦夫不可負君可負何奪君出虎口更著衣冠拜虎後此曹安  
安知惠山婦

余家向藏趙孟頫畫劉平妻殺虎救夫圖生氣  
凜然赤演有題作極悲壯與此作俱有關係

後搗巢

出自燕都門遙遙望遼土劇哉邊野民寄身於豺虎朝隆隆漢宮鼓夕爛爛胡  
庭火百萬健兒爭避虜使我邊氓獨愁苦春風起邊芳草方萌胡兒未至我欲  
歸耕欲耕未及得耕夜半何人來襲我營驅我弱兒老婦踏踏前頭行安知襲  
我是漢兵兵未接數騎傳呼漢兒怯將軍獨歸兵不歸盡作板城城下血何事

將軍翻奏捷腦毛大曾入犯級纍纍猶可算問汝何從得級陣亡官軍頭作賊

不殺牂羊殺殺癩可憐繡衣空灑泣獨不聞漢丞相事姑息

萊陽烽火何連連倭奴十萬乘朝鮮朝鮮委命請下吏援師合奮工退避喪師

辱將軍諱封貢使司馬計貢亦不肯來倭亦不肯去朝鮮君臣涕如雨使受誅

倭始歸捷書還向京師飛不聞將軍得倭級但見平壤城外枯骨高如丘叶堂

堂漢司馬空受倭奴唾

閱史至封倭一事便知早有今日

商無礦

他縣無官商城有不作中官門下走他縣有礦商城無中官雖怒如我何鳴者  
駟列者仗中官在堂肩輿上觀者如牆色沮喪縣官有手不污錢縣官有膝如

鐵堅捫蘿攀葛礦何處一縣赤子今安眠中官抑何怒縣官自有疏縣官不懼

中官懼中官嶽嶽縣官折其角

樊孝介大有氣色

銅柱高

銅柱一何峩峩令汝蠻矢不敢發馬不敢過明有中丞漢伏波不見兩銅柱千

載相嵯峩

神似武溪行

大哉言

誰言採金可富國中使斷斷傳翼一使方歸一使出南到滇南北遼北赤子嗷

嗷惜不得帝御隆宗門夜騰停稅勅天語親傳曉復索小墻櫻双義不回

伴食中書繳還急大哉王言天下聞引領無繇沾聖德吾不知歐陽太守作何

狀嘗州之稅獨停三十日



哥莫恐

是時天下只一歐陽太守耶

燕何美美莫來啄皇子燕何翻翻莫來啄皇孫燕無力使梟入我室我室不毀

梟可執但當殺梟勿傷我燕燕巢深宮帝所眷都門書誰使云狂男子語

不倫令我父子涕下一何靈靈帝言汝是我兒我自憐兒兒勿悲况有相臣

能護之羽翼已就難可摧燕耶梟耶雖有狡計安所施

兩宮仁孝正自爾爾

哀楚宗

孰言楚王真主者沈四明孰言楚王假主者郭江夏莫問楚王真與假但較兩

人官高下言真是言假非郭公掛冠去宛轉黃河湄若無皇太子骸骨那得

歸戕中丞罪當誅亂天潢復何如不見憲宗時漢陰收養子伏法曾傷國體

今日安知楚王是可憐楚宗啣恨死

大小東

較官高下一語冷甚毒甚

戴大東朝署空倡小東講席空佳名自標嘗得貴人罵獨令四兼寒士夾轂來

趨風清流禍災精缺元祐碑汴都血大東小東莫饒舌南陵北陵草活黨人

之罪難可脫

鴉鷂關

鐵筆可畏

鴉鷂關前千里地朝廷那知閩外棄驅得居民六萬人此外流離不堪計將軍

歸來仍叙功通侯實戶還加封李家父子敗公事虛名百載何隆隆諫官暗史

官聾若無劉生諫稿留河東後世誰知割地功

蚨以矣

三娘子

北方開良馬入誰其為者闕氏力闕氏力制單于塞外無烽火塞內聞笙竽長  
城交馬如通衢如通衢安可恃顧見貢使心中悸心中悸自反覆且看將軍穿  
蹋鞠

長慮却顧當時應自有  
人相公司馬中不可得耳

馬上檄

劉將軍杜將軍閩外矯矯稱虎臣數奇不得開國邑可憐頻首從他人馬上檄  
來何急四道兵倉皇出經略虛將朝議塞何繇將軍兩深入兩將死兩將生死  
者未知白骨處生者坐得全師名寄語從軍者香火難為情

真可灑

紅鉛獄

猗聖皇御天下鼓腫臃朝降赦中官撤商稅罷二百萬餉餉邊下深宮閱牘  
薄中夜貂璫惕息無假借何繇一月間忽聞鼎湖駕紅鉛是何藥相公言不知

不知猶自可賞醫欲何為薛汝官誰家官汝食誰家食為朱氏耶為鄭氏耶汝  
欲逃誅安可得汝曹莫殺孫宗伯千秋自有董狐筆思我聖皇空灑泣

專責賞醫應  
使當局頰首

移噦鸞

乾清宮居選侍慈慶宮太子避選侍不可居太子不可避移宮何功亦何  
罪天子仁孝天下知賈生曉曉楊生去猶言安宗社不如安選侍當時相公  
何賸賸應恨恭皇不作帝

何功何罪一  
語便堪斷案

客夫人

車如水馬如龍不趨天朝趨魏公綬若若印纍纍不候天顏候客奶國  
母千秋何寂寞客奶兩旬行宴樂宮中久識客奶尊忍龍祥中夜落自言魏公  
是我夫崔生是我兒魏公為帝我為后公死不嫁兒可為何物老妖媪幾令宗



社危盈盈殿陛間曾無鬚與眉

驅馬問陽道行

驅馬欲何之南奔問陽道遼左方未平將軍歸何早我欲西夷西夷不可知我欲藉援師援師來無期昨聞遼東戰流離不可見身還士卒死相逢畏君面勸君勿浪戰今日果何如兵敗氣不復涕泣亦已愚生民百遺一但可護入關可憐兩大帥不戰而自還一帥倚中人一帥無所恃朝廷殺黨人一帥死西市

芝岡可舍笑入地矣  
寧遠捷

邊火明邊笳驚秋高馬肥冒頓入眼中已無寧遠城寧遠城堅不可下書生意氣還憑陵撫循將與卒勞苦如弟兄男兒七尺寧作格鬥死何當隱忍穹帳偷餘生兩晝夜攻不已雲梯折衝車起一砲發震十里名王血肉化泥滓北

人為號南人喜昇屍歸去中有數錦衣何況十萬鐵頭子捷書入奏功當封不封袁公封魏公袁公汗馬何足數自有魏公畫策深宮中魏家諸兒言不敢負阿翁

太鋪張店  
五人墓

尚公坐羣兒趨清流士當受誅周吏部灑別淚尚公聞檻車逮吏部行吳民驚毛開府噤無聲較尉言尚公語嗟鼠輩勿嘯聚謂汝詔出天子彼逆豎那敢爾五人呼萬人起較尉血滴泥裏此五人良非愚慷慨死真丈夫虎丘南甌以馳巍然者尚公祠祠未成冰山傾山南土俄已平廢墓下新碑樹巍然者五人墓

可使狐鼠銷魂壯夫生色  
罷觀軍

齊用寺人多魚漏師唐設觀軍九帥以危後王不戒國史嗤惟我  
之念邊方撤協防衣浣濯停織作貂璫昔何戔戔今何諾諾畏我  
惡有君如此忍負之臣若負君罪當治臣兮臣兮其如台  
聖明勿作

壞天下尚有人在  
莫端罵無鬚兒

### 東江怨

袁中丞受指錢相君不能復遼陽先殺毛將軍可憐毛將軍外無虵蟬援內無  
葭葦親崎嶇兼島間微功還殉身男兒思報國豈得無中人中丞出奇計島帥  
同孤豚中丞死相君竄毛將軍復誰怨

留毛未必成事  
殺毛反覆勝耶

### 悲賈莊

賈莊下骨為野不知誰殺盧司馬盧司馬賊所憚家可破命可拚帳下健兒盡  
星散司馬一身猶轉戰身死還令羣賊驚箭鏃刀痕見生面是詩人言兩丈夫

北者何人南者盧但知盧公死不負 天子莫問他人生與死何況盧公有賢

弟前悲賈莊後湄渚九原携手笑相視兄弟千秋炳青史擗命謠何如報國語

不問他人  
正爾省事

### 走夷陵

駕出神都門推轂送元輔 天子親賦詩寵榮邁前古百官望塵趨都民相顧

語憫彼潢池黎貽憂我 慈父旌旗摩蒼天金鼓震黃土羽林數十萬戢身就

行伍誅賞將天威頤指役官府信臣及宿將不敢自言苦南征何迢迢迢迢至

三楚幕府坐尊大小醜轉跋扈躑躅一載餘骸骨暴為莽去難而就易殺賊不

如撫自撤白虎險遂失全蜀戶大帥檄東行為計亦已左當關無一夫出蜀復

入楚賊繇襄陽來我向夷陵去我水賊從陸我舟賊用馬叶岐路兩相避畏賊

甚虎賊去猶可言賊來不知處徒擁百萬兵不敢相撐拒楚歌起四面官軍自

怨怒本是無賴兒星散歸賊部空城難獨居幕府淚如雨戰死那可得當時誤



謝謂仰天自引決一死謝明主掩面向黃泉負此都門祖

當年形勢  
德政殿

有人從南方來狼如狼貪如羊量珠用斗白滿筐黃金不脛走入堂佳官勒高  
價不者與危疆大冠帶長劍見賊行走藏薊關秦關誰者當安知烽火連帝  
鄉臣欲言之賊在旁臣欲不言國將亡臣竟言之竄遐方朝政慎勿舉閉戶飽  
用脯遭逢聖明亦何補獨不見兩南人壞天下叶

悲風苦雨中即魚山對此亦難共讀  
沮南遷

鍾山氣何佳哉美人子當南來欲來復未來使我心徘徊三九之際當季世賊  
在帝旁撓大計汝曹果是手臨安見賊何為頭搶地美人何不南南人謳以吟  
美人不來勞我心美人猶在北北人行作賊美人不來安終極

已矣勿復道  
紅閣詔

蒼天已死朱天當并三九末世犬不吠雞不鳴瞎兒騎馬翔神京問汝公公方  
飲酒不可逢問汝伯伯方高卧不肯出帝徬徨上空堂驅龍子殺鳳凰帝

寂寞入紅閣旁無人淚雙落龍嚙指指滴血襟上書上云赦百姓下云臣可誅  
試問攀髯者二十尚不足十五頗有餘玄都扈從何太孤其餘肉食皆當誅但

向瞎兒馬前叩頭索索乞賤軀瞎兒行上殿眾賊階下趨盈盈自云嫵冉冉自  
云妹瞎兒大笑言生小作賊不識皇帝貴但願飽得汝曹金與珠須臾琅璫

反縛歸囹圄一日索一萬十日十餘萬汝渴飲汝溺汝飢啖汝蛆汝曹莫言穢  
汝家帝何如帝不負我汝負我我當代帝加汝誅公耶伯耶死路衢妻

為賊作婢兒為賊作奴嗚呼嗚呼念我苟活不得識聖主汝曹宜爾安足  
吁

劉復興

到此悲憤哭罵都無用處想作者亦無可奈何聊復爾爾

長安土工劉復興直踞賊坐百盞傾酒酣大罵快人情為言先皇真聖明汝

曹蠅蚋猶營營拔刀擊案四坐驚賊子局縮何屏營低頭掩耳不敢聽乞汝佩

刀當引決莫令異日膏斧鉞此曹拜跪泣嗚咽自是微軀貪苟活安足污壯士

手中鐵

酷肖此曹自供語

蕪城歎

清淮流蕪城下顧見穹廬張四野誰言法公真死者反乎覆城當復我欲買刀

趨賣犢

漢以下不能辨此詩

赭山

滇南大馬橫行鄴下淮南小狐來穴我社大馬慊慊嘗苦貧小狐綏綏怖殺人

鼓嗑嗑天險奪大馬小狐東走越神龍在泥求蠖活龍已離淵飛不脫龍子五

龍孫六拉沓北征何處宿江水西流東逝波狐乎馬乎奈汝何

拔劍臨風灑爾而泣

京口鹿

南人有鹿北人張羅鹿自深藏羅當奈何狐行朔野制于腥羶鹿生南土不願

北遷

寓意深長風人之遺

十八翁

豫章來朔風江水揚曾波神虎不在谷中道逢網羅雖懷故山志已在天一隅

羅人為我喜行人為我傷所作無一成徒爾死彷徨問蒼穹長謝十八翁

神似陳思



仙霞關

北風吹關馬滿野缺頭按轡入關下關門蕩蕩無抱者言如雨甕破合集持作  
正沈沈兼中豪多錢怯於狗龍行蜿蜒狗行撲朔龍自入天狗下迎貉貉勿喜  
夜潮隆隆鼓復起莫言是狗雜今定成龍子

是南北朝歌  
謠最佳者

寧夏王妾歌

龍從桂山瀾澁湏水烟瘴之部為彼驅使解一燕趙壯士勇俠輕非捐棄故鄉歎

怨多悲解有美一人來自雲間萬里相見流涕被顏解三顧問美人慷慨不止君

愛高爵妾入泥裏解四客行依主願得主解五主不念客慊慊多防解六自君南來聞

君兩心婦女狼籍苦不可陳解六潛行求君不在苟活猛獸入檻胡不求脫解七明

明日月光炤下土雖則晦蝕還復其處解八河西竇融棄莽依劉與國無極世為

通侯解九君當自知胡不努力中山小狼不可為德解十借君佩刀為君引决望君

功成來收我骨解十一一成敗之期豈不在天寧可玉碎毋為瓦全解十二烈烈寧夏

令名不朽顧瞻鬚眉慚彼妾婦解十三

何物女子便  
作千秋耶

明月洞

龍荒塵何浩浩本飲楊子水那食桂林草朔風蓬勃山作地桂林守者坐待繫

司馬渡河同就吏枯魚相對泣不乞釜中瀝作書寄應龍南征慎出入白者虹

碧者血腐肉烏可食安用埋吾骨解十四猶自可題字羞殺我石裂骨亦歸不化桂林

土

中有瞿張二  
公呼之欲出

南漠霧

澥波如屋鐵頭可逐澥波如山鐵頭復還健兒尚卧鐵頭已過不畏白銅蹄適

逢南漠霧南漠若無霧大魚那得去入江出解鼉逢逢不信大魚終作龍

幾

南社叢刊

隱語不必  
索解人

潘子今樂府序

余與潘子生同邑幼同志長同業又同隱也予長潘子二齡方己卯庚辰間余從家叔父南村先生遊舍笠澤王氏而潘子亦從其先尊人貞靖先生舍康莊吳氏相距二里許諸往來二氏者向潘子稱余亦向余稱潘子余於是始耳潘子距三年而余稍稍挾中書君與諸賢從事而潘子亦來予於是始目潘子當是時予已薄制舉業謂非吾曹用武地及與潘子談輒僕蘇免韓柳弟班揚兄左史特蒙莊而奪之席於是相視而笑莫逆於心自以潘子類我潘子亦以余為類潘子即識余與潘子者謂無弗類也用是卒與世相杳鑿無所概見又三年而陵谷變予竄西吳與潘子不相聞者二年無何而余構閔凶潘子來唁已收涕問潘子云何潘子亦曰子云何予曰天其或者厄予以百年而數倍報之乎潘子曰願子無忘此言也因出所為歌詩大都悲愁怨怒不啻雷霆號而風雨集也明年而家叔父東蘇先生為逃之盟於溪畔而潘子輒來予亦數過潘



子與潘子。日益親。歌詩益多。又五年而余遂舍鶯湖。上鶯湖。潘子故所家也。雖退耕韭溪。別業。顧時時歸省其母夫人。輒過余。潘子或四五日不至。予輒命棹過潘子。一日酒酣。潘子謂余曰。息壤在彼。而徒與子老。四穀為唐後人。耶。余矍然曰。不敢忘也。雖然。何遽廢詩。夫詩亡而後春秋。作則詩者盛。周之史而春秋者衰。周之詩也。女不覩姁姜。不為不知。色鼎不嘗。熊掌不為不知。味詩不續。四始不為不知。詠歌史不仿春秋。不為不知。紀述也。潘子曰。善。房中鏡歌詩之變也。而漢後無樂府。紀傳書表史之變也。而司馬遷後無能方史記者。明興三百年間。聖君賢輔。王侯外戚。忠臣義士。名將循吏。孝子節婦。儒林文苑之倫。大官郊祀禮樂制度。兵刑律曆之屬。粲然與三代比隆。而學士大夫。上不能為太史公。敘述論列。勒成一書。次不能為唐山夫人者。流被之聲韻。鼓吹風雅。今予兩人故在。且幸未老。不此之任。將以誰俟乎。因相與定為目。凡得紀十八書。十二表。十世家。四十列傳。二百為明史記。而又相與疏軼事及赫赫耳目前足感

慨後人者。各得數十事。潘子為題。予為解。予為題。潘子為解。損之又損。以至于百為今樂府。而鏡歌騎吹雅頌不在焉。己之冬。成十三年之春。成十七三閱月。余百章悉成。後三日。潘子亦悉成交。相示有同。有異有詳。有略。即兩人未知以為孰善也者。及以問同人。則胥善之善之。欲從而梓之。予兩人不應。則醪貲而授之。雖欲不梓。不可得已。潘子乃來言曰。余兩人方為史。而樂府先成。遽以問世。懼世之以余兩人為筵撞。而并觀也。故非予不能序。子非子不能序。予也。且自樂府成。後半歲。而得紀十書。五表。十世家。三十列傳。六十有奇。蓋史事已過半矣。予與子可盟也。至樂府之工拙。則知詩者能辨之。余兩人意固不在是。無相諛也。潘子言既別去。適夜風雨。憶始交潘子。迄今十五年。家國之傾蕩。親故之存沒。踪跡之聚散。歲月之遷流。悲從中來。不可斷絕。而予與潘子幸無恙。且稍稍有所著述。予雖蹇產。敢不執羈紲。從潘子後哉。因述所與潘子往復之言。而為之序。其和余兩人者。家叔父南村先生王子寅旭也。寅旭又助予兩人



為史所作十表皆出其手家叔父及寅旭尤惡名今樂府成皆不肯問世

同學弟吳炎撰

今樂府

古濠梁

吳江潘樞章力田著  
同學吳炎赤溟評

天地開蕩羣陰日月出列宿陳白龍游困濠城翼以飛龍蛇分朝為九夫長夕  
為貳室甥公子帳下多豪英資之雲雨升重旻諸子不才徒紛紜遺息尚有惠  
妃存生不稱王沒為神滌之水兮來如雲黃金為階白玉門何以薦之春江蘋

聖朝崇報垂千春嗚呼聖朝崇報垂千春

予作世家于滌陽興廢之故三致  
志焉然未若斯之感慨英多也

韓真女

嗚呼韓氏有好女問女年幾何十五頗有餘解我玳瑁簪掛我緗綺襦束帶揖  
親朋顧問此何如女伴相怪笑謂我何所須蜀寇方縱橫驅我遂南征南征亦



不遠渡瀘向昆明轉戰點蒼山辛苦為他人千金買寶刀卧起如弟兄繫身亮  
不易豈慕健兒名道逢季父泪如絲鄉音漸改是耶非盡賣鞍馬贖兒歸丁寧  
勿遣隊伍知到家爺娘冢纍纍上堂惆悵理蛾眉黃鵠單舉飛遨雲端宛頸七  
載鳴辛酸得配賢雄何所慚嗚呼韓氏有好男

此木蘭詩反  
覺今勝於古

天哀將軍忠不斬將軍祀門下誰報恩生死兩女子極知生難不如死辛苦為  
存肉一塊主公破賊破幸雪耻太平城南鼓聲起昨日將軍灑血地獨抱真兒  
男子事江中何有蓮縈縈剖而食之甘且旨雷老汝豈漁丈與逢盧之濱手  
提將種還至尊賜衣忽去誠何心世人不識稱神靈但願兒壯上報君妾當下  
逝從九京

如此說雷  
老最是

舊內曲

燕山平天下寧樂飲殿庭呼徐兄昔弟兄今君臣偃僂拜起敢自矜絲竹音感

皇情舊內何惜居舊人君有賜臣萬死帝座威嚴何可止酒既旨賓既醉

卧榻何人竟斲睡頭觸地不能起醉眼猶驚天子氣臣心惴惴天顏喜

詔謂有司營甲第甲第崇表大功去天尺五能相通君臣間無猜嫌終始相

好不相捐日與月長與一子孫世世同休戚

曲折通古  
得此為開生面  
中山

危不如

九歌奏虞韶舞象跋跋涕如雨徠自燕首獨頻此身已逮事偽朝今日何顏奉

真主老臣誰汝危素履毅高天子怒危乎素乎兩不如胸中穢史何區區平生

誤道文信國一死方愧余大夫

東角門

選

南社叢刊



漢家內憂七國釁太常不進推恩令誰其將者字九江白溝河南捷書張帝

曰叔父無加誅謀人骨肉何其疎投竄解兵那可得殺身易耳奈誤國獨不聞

晁氏危劉氏安九原之下猶慙顏一時奸臣千古忠哀哉史筆何蒙

足令伯淵心服吳東籬口當與齊黃傳竝讀乃見力田史識

雙梅怨

雙梅樹下有方公墓魂何食瑩臺下不之食不以吐將以問祀者

傷正學者多矣此獨意在言外淳蓄無限

中丞舌

中丞立朝一片鐵力請上方誅妖孽蚤從吾言禍本絕 聖人舉事多達節但

恐後來滋假竊一死當為千秋設周公成王面相折吾舌可斷書不滅請看階

下光為蛻侍兒更寶領中血

潘子猶未免傳疑亦詩家之體也

牛化虎

若有人兮層崖披羽衣兮褰帷傾耳但聞狂飈雷雨一何冥迷童子告余前路

鶴鷗遶樹爭啼平生秦龍自喜倉卒騎虎何疑上書竊効徒薪交深淺言深見

機譏北平襟帶邊徼南昌股肱京師即使舉國內遷天心成敗難期覽彼金川

門事禍生肘腋尤危念為管仲事讐事讐夫安可為嗟哉高生騁說遠慕仲連

解圍王氣自在燕分人謀誠工何施已矣 高皇養士神靈當鑒知之

仇直勁利極似曹家樂府

血影石

侍中為忠臣妾真忠臣婦烏鳶為高飛河邊骨不朽丈夫再拜方從容羅刹磯

頭死何有妾心不移有如石嘔血成形石中碧市人瞻仰誰當識霧鬟烟鬢東

向立湘娥斑斑臨水泣招魂莫昔何許何如昇石侍中祠千古忠魂同一處

星犯座



客星犯太史占緋衣晨挾鷓鴣寒遠殿追一帝夢之長安門前驚行尸白中七  
能措手罕精靈九死猶不替上為彗芒下為厲爪蔓誅竟何濟生不逢趙襄子

帝言卿是伯溫兒朕是高皇子汝父帷幄功卿何苦如是堦言殿下何為爾

不記宮中戲當機那敢讓餘地蘆溝河驍騎死帝座移良謀棄殿下能殺  
我一身不能逃萬世後之一字臣是伯溫兒不願事高皇子

金川門卒行吳南村曰古樂府無此篇法自力田

金川門主者誰眾心解事難為荷父士淚如糜傷失守身苦卑新朝開舊臣入  
獨吞殺走荆棘擁儒冠脫戎籍齊黃族同時赤願為死安可得彼何人兩見辟

城門在有如日幸莫汗吳市卒

故葛衣

神京覆臣可死死不死為智士君王行臣可生生不生為忠臣雲門僧耶溪樵

一朝師弟宮中逃龍不上天蛇失穴一蛇去之中夜號河西傭獨愁苦出亦復

羈旅入亦復羈旅金城邊寒葛縷縷莊浪夜宿淚如雨亦知狐裘美無度終道

新衣不如故

我行自東

日月不居大運有廢興衡山崖萼望與天并皇穹震怒雷雨馮馮惟念古人邈

位巖耕歌以言之大運有廢興解我行自東螺龍在我東城萬仞其門九重園

寢翼翼惜佳蔥蔥我無六翮奮飛莫從歌以言之螺龍在我東解我行至南狹

狶在我南蝮蛇縣樹毒霧漫漫飛鳶墮水觸眼風酸我托足日即于頌歌以言

之猘猘在我南解我行至北玄狐在我北儵忽含沙令我回惑流漸載塗熊羆

遼國事奇尤莫奇于從  
亡諸賢此詩足以發之

自道  
極當



窟匿羊腸詰曲車傾馬踣歌以言之玄狐在我北解四我行至西虎豹在我西隅

目高睚搏人以嬉猿狖相索羣然我追翻然去之羅網何施歌以言之虎豹在

我西解五

周閣昭曰惠宗出此千古疑案讀潘子所

和尚誤

和尚誤耶汝何故緇衣誦經又何故磨牙好殺人今日捫頂頂尚存嵩山寺長

安市塵埃物色偶然爾時來不得誇奇謀飛龍風雨歛然起鳴騶爭道少師來

徒步安知和尚是故人不願為之友阿姊不願為之姊和尚誤耶和尚羞欲死

歸作西山塔下灰無人更澆一杯水

徐禎起曰誅姦諛于既死發潛

大寧怨

聖祖時大寧始入中國填以壯王控扼山北使我營屯力作射獵為衣食奈何

靖難之師棄我如遺跡契丹三千騎自言藉兵力多用金繒可餌之何乃割地

以資賊奪我田疇驅我妻與孥今虜畜牧坐蕃息我既陷沒東不到遼陽西不

到上谷關門局窄往見侵逼白雲紅螺皆異域煌煌犁庭威不能驅三衛聖

王重小信毋乃輕大計燕京不得伸右臂園陵所蔽一牆耳何況書生善感國

開平獨石隨之棄獨不聞太宗雪耻禽頡利置酒西宮呼萬歲

周其疑曰大寧之棄英主之失也南交之罷庸相之誤也讀二詩真令人扼腕撫膺

把滑歌

逼側逼側河深水滑前人尚可後人殺我解生長兵間有力如虎自矜天策同

符聖父解二黃屋警蹕骨肉讒興豈敢覬覦恃兄至仁解三嗣皇滅親上兵伐謀朝

為叔父夕為纒囚解四辭彼金牀蹋霜與露逍遙城中曾不悔悟解五

虎顧彪

一直接漢魏無響



君不見魏室危疑間射麋一言能自全又不見明廷章奏填顧彪一語父子安  
使者馳以南駕車馳馬使者勞我心太子馳以北駕車馳馬太子暮安息成不  
成在 聖孫立不立在監國

折柳枝

金吾大權輕相駕浸淫騎虎竟不下歲夏五月 上較射折柳大譟無亂者前  
有御史後有司馬各各斂手為盲為啞臨邑生休得色 明天子無姑息諾諾  
復爾爾盈廷仍拱嘿慎莫信庸臣庸臣賣國我思忠臣忠臣誠可思尚不畏  
天子寧畏紀指揮身死族已滅當復倚阿誰

罷南交

有所思乃在銅柱之南蕞爾雕題勞師再三因而郡縣之郡縣之何不擇良有  
司為我拊綏但見刀筆吏剝民日益肥明珠翠羽帳孔雀珊瑚枝朝入中宮索  
暮馳長安市若飛蠻夷非孝子不走險何為借問誰大將一二紈袴子前軍遇

伏奔後軍格鬪死當時政府何不言叩頭但進珠厓計止戈未賜漢皇詔乞盟  
先遺城下耻廟堂不棄將帥棄傳之國史誇盛事張英公毛髮豎力請發兵坑  
豎子又恐功高謗易起吾欲不言懷不能已已馬哉中州無辜十萬士死作富  
良江上鬼

顏雪臞先生曰  
竟是一則史論

玉泉寺

張公子范太監倉琅根閉何晚老臣惶恐再拜迎君何非時夜辱臣老臣數日  
魂不寧玉泉寺羅弓矢白龍魚服遊豫且得而制猛虎離深山市人乘其淑彼  
何臣哉數稱太平不是唐堯那肯微行願帝為堯不為漢成白金文綺敬勞卿  
始知老臣是晏嬰

閣中帖

不說出襄公得  
詩人忠厚之旨



猗歟中涓制掃除職所司請問草昧初外政干者誰因緣勸駕功珥貂夾轂馳  
是時天下平君臣面疇咨刑餘雖竊弄太阿未下移一朝危疑際大權歸房闈  
口銜天憲出安能免倒持區區閣中帖防微計良切出納皆此曹徑竇何從閉  
當時顧命臣唯阿稱明哲不聞宰相檄但聞太后詰在昔任守忠韓公自有說  
兵加王振頸惜哉不早決

伐樹枝

天下忠誠李先生海內儀刑大司成憶昔建言出百死淋漓折脅階前地何來  
閣豎騎如雲先生有耳如不聞平居訓迪首廉耻此曹安得通款昵一朝荷校  
較太學門清議所激諸生奔先生教士得士力上書伏闕豈願身天子別勅  
賀會昌不是奉勅那肯行先生歸諸生喜不見竈下養能活薛夫子嘿嘿言官  
但拜跪

咏太學事開口便類太學謠見其人才無  
所不可結出薛夫子見朝廷有人

悲土木

夙駕兮晨興竊乘輿兮威靈排廷議兮親征百官號泣兮且行六師籍籍兮寒  
心風獵獵兮摧前旌莽狐兔兮縱橫黑雲如蓋兮壓營軍一夕兮數驚謂當旋  
軫兮紫荆胡遭迴兮路杳冥杳冥兮奈何後拒沒兮寇浸多望懷來兮日將晡  
戀輜重兮以踟躕萬騎合兮一呼我馬飢兮我卒痛井無泉兮草木枯瓦刺乘  
敝兮欺我以和移師而奔兮天假強胡精騎蹂兮短兵接鼓殺絕兮弧矢竭左  
行殪兮右隊滅無賢無愚兮同為膏血首既隕兮心猶熱傷翠華兮永訣君  
何為兮帶嶮魂飛揚兮求索亂曰天命苟若此兮謀國何為陛下萬歲兮臣  
又何悲

董誦孫曰寫得陰慘騷激却  
以不徒作討王振露布為高

國有君

土木狩國無君北人喜南人驚大同守國有君南人喜北人驚無君而有君一



言填紛紜迺知社稷重不是君為輕纔聞清風店慟哭擁駕出又聞野狐嶺慟  
哭攀車別上皇已成一間人留為可汗那可得瓦刺悔禍非好名奉迎不費  
一束帛君看建炎祈請使交馳燕山定何益鷓鴣之歌千古淚謙不死虜不至  
此殺謙今日墮虜計吁嗟熱血灑何地

想見定變遠畧臨  
安真社稷臣也

妾無夫

黃鵠鳴且悲何必同林棲鳩鳩養且均何必是同生妾身自有夫妻夫自有子  
悽悽一執手慊慊遂沒齒空房夜辟鱸聽兒讀父書書中更有忠孝光門閭  
兒為尚書郎出入生輝光青絲絡馬頭盈盈還上堂長跽白何母復儲兒當言  
不惜死闕下但恐負母恩阿母大拊掌兒能復何憂天風霧四塞知是兒羈囚  
夫為忠臣父妾為忠臣母黃泉重相見各道不相負

是母是子寫得  
殺淚俱有

龍惜珠

黃河世為患誰能得中策熙朝兼漑漕憂乃在咽嗑嗚呼張秋潰司農為蹶蹶  
帝曰貞往哉慎思禹故跡自濟踰河沁往往投牲璧謂龍何不仁狂流久為  
逆強弩射不迴何況填木石吾聞龍有欲頷珠尤所惜沈鍊可制之中夜改窟  
宅藉手告成功至今師良畫人能制毒龍不能制神龍神龍固無欲變化安可  
窮哀哉金齒謫禍生南城封世人各有珠貪者隕其宗

至言  
可銘

奪門功

南城垣猶可越奉天門猶可奪諸人自為富貴計挽舉推座何太急曹石功當  
封于謙功當死不見持節取外藩但聞交章復太子問門仗方齊殿上鐘先起  
代皇言哥自好英皇言弟無事西宮本以正終何乃蒙之惡謚君看東安  
道上交讓時何如咸陽馬前驚墮地



徵君歸

忠國公前有宋蔡京楊龜山後有吳徵君朝下詔書夕受幣要為國家成盛事  
虛左不聞吐奇謀南陽一言終有優禮設館饋百牢 聖王果重儒不肯拜宮  
僚先求觀秘書亦何有宮僚義不污不見天祿閣失身莽大夫徵君歸何緩徵  
君來何急 奉一囊粟月請一束帛始知此公非迂濶

楊漆工

君窮到底徵君何以解朝

臣為君斃足君為臣拊背辛苦北庭一較尉不死喜寧手反死金吾第一身哀  
哀肉在机楊漆工何敢爾問汝誰主使當道南陽李漆工諾諾幸緩死獄門不  
言午門言大呼云是指揮指神明昭鑒安可欺小人當死死不避門指揮錯較  
計不如漆工勇且智一言併脫三人罪請看活袁彬去去金陵道越明年春門  
自倒如何後來乾清獄坐令馮家危高老

玉璫瓏

引好證亦

出宮門不顧歸還入府帳欲悲篋中無金鏡還視座上無黼屨妾有玉璫瓏曾  
著君腰肢他人但願富貴妾抱此玉長相思長相思上承九廟神靈下畏黃口  
小兒聞有他人言拉雜摧沈之寧作井中泥勿為他人人生光儀寧作井中泥勿  
為他人人生光儀玉碎不復全妾生亦何為當時七年事東宮自知之君為王妾  
為妃當時七年事萬世行知之

裕陵思

陳鶴客曰如見天寶宮人訴上皇時事俯仰獻歎

鬱陵樹芳青青肅帷幕芳泠泠旨酒清而不御歌吹咽而無教願殺身而從之  
芳重 先皇之不近婦人

此造篇意可謂深于愛君



伏闕爭

惟慈懿后母儀三十年中人曲說尊無兩全殿庭聚訟睿容穆然明矣哉其漢  
文宋仁于今作式公卿抗章不阿不激用成聖德兩宮如一孝矣哉其皇心有  
違曰仁壽宮小大伏闕號泣以從會此羣志廓我慈衷仁矣哉其

得體曲盡樂府之變似頌

新會潮

潮殺一何悲中有含冤尸潮殺一何怨怒中有報仇婦生不能殺仇身死猶能  
繞仇門魂來江潮青魂返江潮平李翁李翁能埋我潛投南海魂無所飛揚上  
叩九閻訴磔狗報夫死不負表閭樹石華千古獨不見錢塘江素車白馬大夫  
魂不能報吳殺猶吞

太監來

今日樂莫樂酣醉舞九衢蒼龍為拊席玄武為提壺朱雀奏琴瑟白虎吹笙等

前呼天子來叫喚不一顧後呼太監來帖然便安坐太監復何為堂前猛虎步  
頭上垂金貂手中把黃斧自言仗兩鉞將兵助威武吾欲竟此曲此曲意良苦

陛下三千年臣為梨園主臣欲言之太監怒

施又王曰此是潘子滑稽傳

廷無人

掖廷中乃有人既生汪直何生懷恩廟堂上豈無人雖有余青神尚有王三原  
三原天下真忠義朝政不可胡不議語罷尚書讀封事中官歎息一人是呂黃  
門張承業此曹多自命豪傑精心能與明主結利器緣之遂倒竊寧可搢紳虛  
無人不可使汝犖犖見奇節

戴耘野曰讀宦者傳至懷恩此王安石事感歎尤深當

昭德宮

三十六宮蛾眉天子夜幸唐兒蒼龍加腹何奇燕飛豈容啄矢皇皇九廟監

聖祖時何以中官



視主器莫若長子六載辛勤調護女徒雖無胡組掖庭自有張賀天心或啟貴  
妃朝服敬賀佳兒何獨不令我知不令汝知猶可朝為烏鳥同樹夕為雲泥異  
路西宮惆悵自憐無子如月經天有子如星墜淵經天月不嘗圓墜淵何時復  
還但願 皇子萬年譬若泰山嵯峨讒人動搖孔多黃鵠一舉奈何

望三台

程杓石曰  
可被管絃

宮中好珍玩大璫爭市販紙糊一閣老自言臣姓萬奉上 陛下藥一梓曲房  
後庭娛清晏道逢小黃門昵昵申情款不道老司禮却起無人歎朝看相公門  
冠蓋~~驚~~如雲暮看相公門羅雀自生塵相公何所說老臣死報國迴顧腰下  
符已為他人奪五里一長望十里一佇立相公不願三台明三台明則奸不行  
但南箕與卷舌翁翁簸揚人主惑軒轅光掩太微庭宦者密踞帝座側三台不  
見天下亂相公此時當復入不然胡為五里一長望十里一佇立

老臣泣

言似太盡似傷忠厚然巧言  
巷伯諸詩正不嫌其盡也

五日對平臺十日對便殿中興 聖主急太平老臣只恨相知晚一宣劉司馬  
再宣戴大夫左右卻避不敢前語久始聞喚人扶白金重錦尚方饌承恩下階  
日已晡戴大夫不敢言疾劉司馬為請骸骨不道家人父子情即言主人堅留  
客客何抵死欲辭去二客相顧歸不得丈夫生逢知己主便當闕下死報國纔  
聞騎箕尾又聞上鼎湖老臣有血灑欲枯夜深猶夢陳訐謨太平未登可奈何  
主人留客逐者奴不然安得東山草堂歌

罪壽寧

朱載陽曰覺空同  
草堂歌尚多時調

李主事折檻爭要為朝廷安壽寧不知抵觸金夫人 聖明猶豫重加刑奈何  
使我殺諫臣勅令就位堯舜仁中外歡喜呼更生 君王不好游讌飲今何處



黃鸝歌吹蛺蝶舞後宮迤邐花間去獨召大張瞋目數國家棄汝猶腐鼠近侍  
不得聞餘語遙見免冠觸地一何苦吁嗟乎承天道中  
新君怒廷尉獄門命  
如縷忽憶南宮淚如雨乃知主事猶生我

西涯倒

謂公如北斗輕雲掩其口謂公如泰山跛羊游其巔西涯草纍纍歌謠動京師  
昔送華容歸今餞雒陽去身為顧命臣不退亦不語舉朝嬰禍同甘露猶言委  
蛇善調護中書堂中但安坐湘江鷓鴣啼不住平生讀書數萬卷到老只解孔  
光傳李廣祠額元不可胡為獨頌玄真觀

梳篦

節節推敲幾不餘  
力妙在擒縱如意

東家抱兒竄西家挈婦奔賊來猶可活兵來愁殺人况聞府帖下大調土司兵  
此物貪且殘千里無居民掠人持作羹折屋持作薪莫言少為貴國戚嘗見輕

無功害尚小有功憂更深問誰作俑者必也林中丞蕭條夔子國城郭為荆榛  
賊梳兵如篦獬獬來更如鬣保寧賊未除霸州賊又熾買馬須快劍須利從今  
作賊無反計

豹房樂

客兵之害言之深  
切讀者可為寒心

帝何在豹房中金鼓殺日齶齶外四家走如風扼檻虎射圈熊過錦隊樂無窮  
誰為此江團營歡未已離深宮西安門從小豎居庸關却宰輔愴忘歸家宣府  
大將軍揚威武犯霜露不言苦上高王敢跋扈遂南巡繫以組帝歸來白幟舉  
卧豹房傳遺語天下事是朕誤

顧茂倫曰  
一結近厚

囊土諫

帝無南巡南方不可以行聞有九江之蛇礪齒昨昨將食人又有短狐在君側

儵忽射影天地昏竭來當蹕者誰子自言世世宿衛臣右提三尺刀左挾一囊  
土有血不教汚車輪明知吏議當就誅舉朝盡是彬耶寧獄死諒不葬白日  
為悔冥苑中海水與平石梁斷絕鍊柱傾閣道無光駕不行累累伏闕尚有人  
吁嗟言官胡不聞

思悲婦

思悲婦不用婦言獨自愁苦山出黃雀亦有巢雀欲為鴻不能高巢傾墮水哀  
哉勞黃石磯折篙槽洪都城咽金鼓梟子四躑躅悲號安知處屬累王  
先生幸念故妃賢招其貞魂歸收其白骨還

此亦何愧

留提督

天門開楊公來際昌時握樞機邊帥弄禁兵時事可獻款有一狂生上書刺譏  
政府楊公得聞之涕下何累累行當不負良規思復念之舊君無冢嫡新君憂

反側十萬軍散一紙書填定三寸舌玩弄股掌間不費力士力坤宮朝服入北

安門中旨出縛虎昔何緩今日復何急瀕年亢旱雨忽澍滿城盡道相公雨大

禮一不諧斥之勿復語死報孝皇臣不負天門開楊公去

傑便括本傳奇絕

金水橋

璉不死萼不死夜乞錦衣數力士金水橋南爭仗義不言繼統言繼嗣伏闕諠

諠不可止諸臣自呼高孝王聖心但念興獻帝撼門大哭者誰是元是

新都少師子諸臣狼籍杖下死不死猶遣戍萬里大禮說終當行明倫書徧加

恩悔罪可憐有陸澄自言曾師王守仁

刻甚迎大禮說未辨是非

田石平

詔汝蠻莫反當避王總制總制來汝當死更活汝天子賜但存土知州不用



漢法治尺兵亦不調斗粟亦不費群奴搏頽願殺賊從今那敢生他計八寨誅  
斷角盧布伯休嘆惜五溪淫淫伏波死遂使兩江變復劇田石平復傾田水  
清復濁善後從古難何況黎與莫新建封雖可削慎勿言田州錯

任事之難非審  
時勢者不能道  
欽明獄

昔有代州豪名編太原衛幾處作逆身不死無人敢道真姓氏養子兩三人出  
入郭侯第黃金刻刀頭青絲纏馬尾暮馳塞下手殺人平明還醉長安市郭侯  
何頰頰家從大禮起匿人不敢問問者馬御史侯言但當費我尺一紙不道滿  
朝抗章譁不止郭侯猶自可奈觸張與桂蜚語入禁中不復任廷尉午門對簿  
脅諸公從此張寅不信李欽明獄同文獄衣冠駢首盡驅逐貴人羅織猶未足  
四十年後亂在蜀張耶李耶奸始燭武安在者自當族國史尚削龐公牘獨不  
見漢張角

老吏斷獄  
自無遁情  
採珠怨

合浦珠池深千尺六月入水寒徹骨何物老蚌胎夜光令我年年採不息我非  
雪質冰軀那得百琲真珠少監督責克私橐縣官所得纔錙銖其下嘗有驪龍  
卧觸之身首分須吏前人病死後人溺以命易珠何所惜猶勝東鄰困徭役兒  
女典盡無顏色五嶺家家起為賊獨向珠池死亦得

與捕蛇者說同  
意又似張籍

帝南巡

顯陵何美美大峪風以寒眾口徒嗷嗷安知帝所觀疾驅馳兮從百官瞻純

德兮龍之蟠繚以周墉神孔安暢歌暢舞享祀虔玄宮不北慈宮南皇圖既

固兮如山如川

躋獻皇



不稱宗何稱考既稱考當入廟受命不在登大寶祝融之威天所告經始反下

壬戌詔豈憶康陵十六年今日升降何草草獨不言新鬼大故鬼小請郭武

定何如劉誠意武定有慈孫獻皇有孝子予以配食先錫類皇皇武德及文始

為天子父方知貴但欲追崇無極已胡為春秋譏逆祀

史遷作封禪書正為武帝本紀地耳而褚先生用此補之可笑也潘子作郊祀書直述大禮齋祠之事而後世宗本紀大議在焉且以比武帝雄才大略亦略相當予竊以為得史法故識於此

### 孝童年十三

悽悽復悽悽阿母閻中啼孝童入門來執手何依依蕭艾不共林泉鸞不

棲阿父重殺色新挾大梁姬行當棄汝就黃泉不能依低頭受榜筆孝童前致

詞阿母且勿悲腰下三尺刀拂拭生寒輝宛轉蛾眉子墮地須臾時出門四五

里將去復來歸殺人義當死莫令阿母坐見疑呼吏脫母縛母不殺人兒所為

脯下三尺刀上有血光腥持此請廷尉廷尉躊躇不忍刑持此上司寇司寇減

等謫戍論端門喔喔金雞鳴乃知天子明且仁憐兒為母非博名借問兒安

居門戶接天衢十三學劍兼學書悲歌慷慨燕市徒却笑秦武陽十三隨荆軻

睚眦不中孝童奴孝童烈烈五尺軀何不為天子取單于

徐介白曰與赤溟作同一叙事同一擬古便覺各出手眼各有天地此二子所以為可傳無疑也

### 建昌侯

建昌侯作事誤昔為虎今為鼠新人嘗苦貧舊人嘗苦富玉田泰和高門戶

君恩反覆何可數昌國惴惴猶連坐昭聖在時不得語昭聖沒後葬無所家貲

千百萬身死子孫餓寄聲後來者但視戎政府

府故張氏第也何為烟戒

### 兩搜

受降城跨三面東勝州控兩面榆林堡當一面牧馬漸南下坐失門庭險守之

不足何有戰二千里地水草甘匈奴因之劫諸番渾脫飛渡寧夏單不備山北



備河南屯田築堡無長策候騎直過偏頭關搜套何紛紛後有曾中丞前有王  
威寧小試紅藍池封侯竟成名大出定邊營未捷身首分權臣在內寧不聞乃  
知少師力不如中貴人

套事得此  
功罪自明

權門犬

郭中有犬嗷嗷郭外有犬嗷嗷郭中有犬能噬人郭外有犬不噬緞麒麟觸之

嗷嗷朝叩帝閣入夕辭相府出水衡無輓車司馬無導卒携持白金往復還

但可單騎宣手勅勅中督戰非爾職安能驅人共殺賊路出德勝門白骨何纍

纍臣言不效臣罪當治聖恩高厚泣下沾衣荔波之行不顧歸謂之何

悽惋不堪竟讀程杓石  
曰寫趙內江心事逼真

淳安奴

淳安徐氏奴行年五十餘籌策雖壯筋骨枯願謂阿母勿嗟吁乃謂我牛馬

力不如我猶能逐利東西效馳驅母脫頭上釵令奴轉販如賈胡往時食無魚

今來出有車為兩郎君起大宅夥何沈沈臨九衢其中參差羅金珠阿寄乃無

一粒儲道逢徐氏郎下馬盈盈趨一朝老且死手出兩紙書書中家計析錙銖

可憐一兒身無襦嗚呼今之人口詩書大冠長劍名為儒委質事人輒改圖

何況梵梵六尺孤此曹牛馬羞為徒獨不見淳安奴

痛快椒山膽

椒山膽大于身不畏丞相父子嗔使公為虎丞相為鼠齷齪義兒膽裂不得語

藏公膽血化碧地下猶報應生德剖公膽甘如飴求死不得有賢妻詔問二

王兮臣罪當誅臣不能令親親他人能令親疎臣頸可斷膽不磨

兩歌妓

東流之水必有西上之潮但為薩摩王使我督府日焦勞嵯峨樓艦千丈高首



吳尾越條忽隨風飄當復思中國之倭必有女子之戎不用快馬健兒但用黛  
綠粉紅傾城笑未已股掌弄兩雄稽顙天星呼胡公珠玉餌真奇謀殺已降安  
得侯狡兔盡走狗囚兩首縛兩妓愁為國事死何求江水竭恨不休

桃窠寨

受降新平堡自言居奇貨數騎憑城索張目不得語解一萬馬縮如蝟漢兒但藏

頭傳語相驚恐奔命無時休解二遣之弭邊患留之抱空質空質既已去邊患亦

不弭解三但求紓右衛不顧輕中國大明炤九垓胡婦回解四面泣解四身辭白登道

血濺黃河側持此惴諸部勿背黃台吉解五寄謝漢太師叛人那得來縱牧威

平間羽書終歲馳解六犬馬歸主人願得主人強誰能識此恨惟有李贊皇解

以古調傳今事  
真筆端化工

前搗巢

軍中有一劉俺答聞之心膽愁軍中有一漢吉能聞之驚破膽暮辭黑河畔朝

襲東勝川驕驄文馬鐵鍛鞍手中大刀奮如湍或如霹靂拓弓弦左射右射蹀

血前名王貴人馬頭縣肥牛大牯當朝餐豐州廬帳為寒烟還聞慟哭徙陰山

劉將軍何飄忽攫虎子據虎穴從此漢兒戰不怯輕騎夜夜斫檀幕惜哉生不

逢驃騎大軍出提携玉龍掃月窟

施又王曰饒  
歌少此雄激

齋宮

卿雲顯見四緯若一端禾靈芝元氣所植帝在齋宮潔誠禋祀休嘉碑隱曰

惟玄庇光芒夜燭拜受神丹桃實如瓜服之永年專精鍊氣讀仙經黃金可成

天下寧猴狄來服漸島平侍臣簪筆撰青文斟酌零露甘且馨白雁白鹿走紛

員寂寥冥感若有馮誰為仙者陶仲文寵異不數藥將軍柏梁既灾建章營

修玄之功誰與倫但願皇帝三千春

祀可歌入郊



射東樓

高山不摧自崩東樓不扶自倒平田有米覆以草繡衣夢占小兒兆宮中有物  
能神語曷不除奸待明主莫言多錢可閣使一朝猛虎化為鼠燎原火不可當  
倒海水一何狂誰謂阿儂智不如公子引去西市傍然臍自昔笑郿塢八百胡  
椒無用處鈴山堂中老書生勢利何如枝上露獨不記歐陽語  
縛板升  
雲中帥降那吉降那吉致俺答撫之不殺真良策襲我冠裳戴我德何物叛兒  
教汝稱兵還我叛兒當歸汝孫汝孫未歸縛板升傳頭藁街揚威靈從今保塞  
稱外臣貢市以國體尊國體尊外患弭但當飭我介冑張我弓矢積我錢穀  
修我營壘安不忘危古人所貴奈何守邊者苟且幸無事歲割軍實奉驕子無  
人更為百世計嗚呼餌敵還自餌禍福倚伏皆如此

此古倫曰此所以思頗救濟之才顧

啼鵲血

老臣報國誠專忠孝無兩全諸公莫學羅倫我自學李賢古來金草行權吉典  
亦宜然山人不識宮袍驚道啼鵲痕嗟哉吳生一言膏以明自煎卞生有淚斑  
斑名與日月懸

惠山婦

刺冷

賢哉惠山婦見夫不見虎揮鋤奪之何不可馴虎如馴狸搖尾竟捨去負夫歸  
來且安坐斗酒嗚嗚相勞苦君不見劉家婦能殺虎夫不再生亦何補惠山清  
流激千古東海勇婦又焉數精誠開金石猛獸不敢侮猛獸猶自可苛政能殺  
汝

後搗巢

赤羽從東來云是將軍書書中竟何如上言堅壁功失亡亦不多下言搗巢功



鬪體血模糊 覓囊從東來 云是御史奏 奏中更何有 上言敵來寇 官軍坐束手  
下言敵去後 但竊漢兒首 行間功罪辨 者誰但見城 郭是人民非舊 時屯田草  
纍纍父求死 子夫求死妻 不知將軍收 遺尸收遺尸 何狼籍小 賜金幣大封伯  
御史扼腕爭 不得從今以 後但帶人頭 去殺賊陣亡 健兒何足惜 報功闕下死  
塞北猶勝空 作板城城下 骨吁嗟乎舉 朝蒙蔽亡遼 東國史猶頌 將軍功  
封關白此自評 予作李寧遠 功罪頗不相掩 若出邊人之口 恐尚有不忍言者  
天上有火星 地下有石星 除石星斷禍根 用童謠 甚關白雖可封 不聞彼國自有  
歲君王子雖 可出不聞彼 國為我外臣 小西飛騎馬 過關門但坐 謾語許和親  
和親不忍聞 冊命終不停 島中老叟失 禮義箕踞敢 對使者嗔 糜餉八十億 用  
兵十萬人開 城平壤乃僅 存石星死東 事成關白死 東方平  
商無曠

顯皇帝時商 城令樊君少 慕海忠介為 人初下車嘿 不聞聲發奸 摘伏咸稱神  
明解開曠使 者來闕如 競虎有司折 腰迎蒲伏供 具樊君當之 嶽嶽不為下 解二  
他邑有曠商 城獨無鳴 騶升堂先以 肩輿使者色 沮亦莫我敢 訶解三謂君好手  
不污金錢謂 君良自苦百 姓復可憐億 萬之命賴君 一言解四北上銀 臺嶺艱哉  
何巍巍緣崖 捫葛登日暮 空歸來山不 效靈亦已焉 哉解五賢哉我思 樊君令死  
者復生稍遷 崑山令治行 遠聞郡國計 吏莫如我樊 君循解六璽書未 及下翻然  
長辭歸視親 疾以身殉之 天道無知使 樊君無兒解七二 縣之人家無 相舂何以  
祠之學宮之 中千秋萬歲 俎豆無窮解八  
比雁門太守 行 更覺古陸 離  
銅柱高高於 萬仞山夜郎 及且蘭開國 三千歲不與 中州通人烟 西北連雲皆  
鳥道可以橫 絕黔楚滇玉 壘山崩豺虎 死然後封疆 繡錯其間上 有海龍插天



之險固下有婁山棧石之重關飛鳥騰猿尚不能踰健兒欲上愁攀緣水丹何  
潺潺十里九曲行嶄岩仰攻肉薄一當百窮崖四顧但長嘆問汝作計何逆天  
不早面縛死軍前但見長圍四面合夜分營火高連連又見黃金散盡群苗去  
不還銅柱高高於萬仞山使人念之駭心魂摩崖勒銘空中起箐林茂密無人  
開其險也若此嗟我神兵自天而下胡為來哉銅柱缺塞尤嵯峨一夫大呼千  
人不能過所守或非道何異街與衢朝見蝮蛇夕見鴟梟狂顧動齒負險以驕  
天塹雖云固不如事皇朝銅柱高高於萬仞山

太似模倣然才情游  
戲自出青蓮之右

### 大哉言

郡首得詔如霹靂宰相得詔但掛壁掛壁尚可反汗奈何密雲自天雨不滂沱  
君不見田太監猶力爭大哉王言其出如綸惠我毘陵維歐陽君

易類  
林謠  
奇辭  
絕又  
類

### 哥莫恐

駕幸啟祥宮傳呼哥兒前一言當言未及得言不知泣下一何漣漣哥但莫恐  
罪不汝連汝知我慈我知汝孝無聽讒人翩翩令我父子兄弟不得全亂曰晝  
不見日出夜不見月與星閉門塞牖舍大獄將興哥兒出語人勿復重紛紜探  
懷中勅持授閣下淚不可禁身在危疑中胡為羅織我侍臣有一妄男子撞我  
宮入我門掎之杖下勿傷我聖皇心彷徨空殿中聊復爾耳撥棄勿復陳

調稍泥古命意自高  
聖仁作用特未許要典  
慈孝苦心

### 哀楚宗

哀楚宗睢盱寧就漢陽死不還武昌居宮中大馬化作驢鳳凰却抱兩烏雛獨  
不聞今漢陰昔春申龍蛇到死不明漢廷誰能識假真

### 大小東

此楚事難言如  
猶為得體

卷之四十五



大東何偏仄小東何冤峨人皆集于苑謂我集于枯羽翼雖成畏彼網羅或山

標榜之習氣運使然賢者不免

而樵或水而漁同我者賢乎異我者愚乎歸乎歸乎其吾黨之徒乎

鴉鷲關乃在鴨綠之西寬奠之東縣官令我輸租稅耕田築舍其中天蒼蒼野

茫茫禾黍未獲笳鼓鼙披我鉅鉞張我弓守我妻孥不敢自言功我初來時

髮未燥及今養子成老翁窮冬肅殺草木方枯逢官軍來驅我老幼踏踏行渡

河流漸浮漂骸骨載塗新鬼煩冤舊鬼啼呼可憐丁男沒不還已聞窮苦乞為

奴昨日雞犬邑今日狐兔區橫術何廣廣拱手棄膏腴將軍論功果有無位通

侯爵公孤偏裨不敢議議者尸街衢鴉鷲關三百里割地之賞猶莫比開鐵瀆

言可謂中談

### 三娘子

萬國來遠如期矯矯者虎臣不如一閼氏皮幣陳佳哉紛閼氏自歸靜如齋心

漢降長公主不能堅和親翩翩燕遠集豈非後宮身鴻雁塞北生願向塞南飛

非為塞北寒隨陽志不移萬國來遠如期

### 馬上檄

兄何在桑乾河弟何在醫無閭妻子何在供轉輸宣大請買馬甘涼請具車車

未具師已出遼陽數萬人相公一行墨河水咽咽野火熒熒梟騎轉戰沒駑馬

彷徨鳴朝鮮一旅猶浪死何但枉殺兩將軍不再得五星鬪日光赤

寧遠有兒只觀望元是伊家竈下養

結語可當李氏爰書

### 紅鉛獄

忠言利在逆良藥利在苦服餌求長生翻為醫所誤爾非王子喬紅丸胡自詡



但聞賞柳泌不聞貶道古一月堯舜德龍髯忽中墮宗伯討賊義凜如握籥斧  
禁門有白挺曲房有美女旁人莫浪語忌器難投鼠

忽作平調亦自深中事情

慈寧宮移妃子噦鸞宮移選侍先朝願命猶在耳小臣有官非鄭李安危所

發猶噤矢不問中書問給事掖門叫呼羣豎驚帝言彼髯真忠臣忠臣安可

為一言竟殺身安社稷計獨苦安選侍是誰誤選侍自有女天子自有母不

見小南城哽咽傳天語

客夫人

生男且勿喜生女且勿憐君看客夫人眠坐官家前其虔心許阿父願得成公

姊新歡從門來舊歡從閣去其一夕就歡宿通宵刺促語如聞外廷論不得儂

與汝其彈去仗下馬打殺鸚鵡鳥願寒蟬不復鳴鳴亦無人曉其雜香夾道來

寶馬如游龍借問貴人誰云是咸安宮其五日出外舍拜跽羅道周大兒呼作

虎小兒呼作彪阿兒前祝母九千歲官家散金錢中宮那得比其有何涎涎

尾飛來啄皇子語汝燕莫啄行當自啄矢其儂家大道北歡家大道南門戶

自相當生死莫相捐棋懊惱奈何許宛轉梓宮前始憶阿婆語棋

組織客魏逸事織悉無遺却不鄙瑣深有讀曲子夜之餘風

驅馬問陽道行

公無渡河公欲渡河蕩平遼陽今當奈何渡河尚可入關大難嗒嗒之口安望

生還

熊王冤獄得此吐氣

寧遠捷

鏃頭子雖多如我遼人何遼人不愛身與家阿父死三岔河阿兒死廣寧獨身

雖存猶羈旅要為國家守危城城下火酣酣遙知可汗營城上砲重重自名大



將軍大將軍一何神動如雷散如星一發牛車裂再發聯騎崩但見骨都當戶  
血肉為黃塵十里之內無留行阿堅帶箭走且驚起兵三十年不知遼人難與  
爭袁副使如父兄已破賊不言功大將首當封胡為者魏上公父上公子列侯  
幕府行賞及蒼頭行間健兒空碌碌獵犬何曾分齧肉

可嘆  
五人墓

北司回天獨坐南牙勢成水火緹騎四出如虎鈞黨一何紛紛片紙輒逮數人  
吳有廉吏周君騎廼責之千金千金百家之產傾城醜資相勸彼何耽耽未厭五  
人一呼雷奔叩頭請命中丞丞有耳不聞緹騎銀鐺忽怒若曹違詔猶可不畏  
東廠族汝平生遨遊燕市阿誰敢觸魏字不謂吳儂乃爾周君徬徨獨苦父兄  
誠非愛我束身願歸園土東廠聞之心危閉門切責崔兒何減博浪一椎五人  
請死不辭下從專諸要離虎丘之旁纍纍元是東廠廢祠

罷觀軍

唐有魚軍容九節度使皆無功宋有童太師十六州地竟難為內弄文墨外弄  
兵白日一照皆潛形帝曰闔外不中制懦將聞之心膽碎分兵纔罷監視出  
宰相何人真無識

歸過宰相  
自不能免

東江怨

遼南垂麗北際中央不合大如礪惟有東江可牽制何一短老公自言五年能  
蕩平奇功先殺毛將軍殺毛將軍歟可成散島軍奪島餉島軍不肯歸殺掠渤  
海上驅我爪牙為仇讐彎弓內向我奔命不得休遼無東顧憂麗無北顧慮  
兩國醜酒喜相賀潰牆直薄都城下始知謀國真大誤毛公死世所寬袁公死  
人不憐山中宰相何多智一言竟能殺兩賢

直筆  
可畏



悲賈庄

薊門警急入衛蘆溝斷趙堡潰誰養寇主者罪盧拚命嚼齒碎君已辱臣當死  
悲賈莊非錦城兩人死一人生卹典加偽耶真十年後論自明悲賈莊<sub>略</sub>日

走夷陵

隱語  
可思

誰驅兵作賊關內徵調急誰驅民作賊新餉多掎克中樞果何人歎撫總誤國  
誤國已當誅反求仗劍出仗劍出天子喜都門餞宸章賜坐前席非常禮上  
自天下至地卿專之不中制車千乘騎萬匹旌旗陳光輝日瑪瑙山戰方疾白  
虎關險遽失賊既遁兵亦撤賊重來空馳檄釋蜀寇圖左草鞭之長竟何及避  
襄陽走夷陵江之廣勞我心襄陽燬雒陽驚哀鹽梅非干城獨不見一死猶令  
人主諱生時誰敢誦功罪

德政殿

二語  
深

皇極殿先生坐 聖王自重賢師傅德政殿先生留小臣一言大臣羞既舉廢  
又蠲租寵賂雖章奈若何君擇相猶擇醫不去病難為武林謫死亦足臣言不  
中國之福言既中國何賴軍中裴度名竟敗行人去渺未還不及小璫進一言  
小璫言大臣誅生憐死捐竟何如

沮南遷

篇中多用熊公奏疏語當  
取溫周傳並讀之吳評

乙巳南遷議行徐公不用子公用不然臨安遂為宋甲申南遷議言者李公沮  
者光不然靈武猶為唐世事成敗那可齊前人之戒後人師 天王自為社稷  
死撫軍何不奉太子國有千官無一士當年嬰杵竟誰是

識議獨  
絕吳評



紅閣詔

有龍矯矯兮去而上升一蛇從之兮哀彼寺人毀棄冕服兮  
高皇有靈寧毒  
余體兮勿傷下民有君無臣兮為死為生嗚呼臣罪當誅兮辱我德音

琴操之能變凡為臣評者

劉復興

燕山飛來大嘴烏彰義門開啄復呼直排蘭省入掖庭中書五人四人生其餘  
赴死亦多有遲疑便入黃巾手何人蒙面政府堂滿口頌德皆庶常歸來置酒  
神揚揚何一男子上我牀拔刀斫案叫復狂傲岸一舉累百觴坐客遷延不須  
避自言大明土工是親曾給役深宮裏德政殿前長引視御榻不施雕漆侈衣  
經浣濯席垢敝是時日晡花影徙大官進膳四五器督役太府猶傳言批答方  
勤不遑餐况聞蔬食憂民艱某出語人泣復歎諸卿平昔侍從臣有君如此寧  
不聞忍復反顏事他人請以佩劍早引決勿待收京污斧鉞坐客聞之皆嘿嘿

男子揮手徑趨出吐哉雞鳴不拊翼但存姓名有人識

結甚妙緣情此事惟張文昌王仲初稱彷彿白傅而下罕能措手

蕪城歎

可憐瓜步山接新城南望不忘君一其武騎千群來限長江願作張睢陽其  
白面誰史家子生死奉公祀三其城上烏莫啼聽我廣陵歌其

赭山

阮與馬共天下徧地職方司漫天都督府金輿玉輦不知處黃旗紫蓋渡江去  
赭山高牙無極烈火燒空兮焦石燭龍無光不照地猩猩怒嗥向人立我縱言  
之復何益主失勢兮恩為仇客操柄兮羊化彪帝堯當之亦幽囚赭山高兮不  
可攀美人一去兮不復還上無結綺之層樓下無景陽之深井外無閹豎兮內  
無妃嬪荃獨巡狩兮得其正不學宋徽欽何問晉懷愍是以前謚為聖

忠愛之心溢於言外離騷九辨而後復見此章



京口鹿

京口鹿十五五乃在學宮中喏汝幽州兒身騎白馬高纏繫左手把雕胡徑

來射鹿西復東喏汝神鹿相呼入林去雖有網羅蔽天將安施十五五啣草

鳴麋幽州兒去時不知神鹿鹿乃在學宮中朝出暮歸誰能逢鍾山鹿乃在陵

樹中厨人尚復復得烹醢之海昌鶴鶴乃在園囿中獵者尚復得係累之鯉魚

乃在西苑海水中漁人尚得鯉魚脯喏汝賢智士各各有出處明哲保身復何

所苦

顧樵水曰體物之才保身之智於此見之

十八翁

孔雀東南來十里一哀鳴中林橫被鷲鳥攫羽毛摧折無儀形績溪山千萬重

閩海使不一通賦詩草檄何匆匆忠魂但憶十八翁十八翁從此辭千年化鶴

猶來歸明知黃冠那容得柴市吾師文信國遺書恨恨不極

仙霞關

南望一何嵯峨仙霞關一夫守險莫過仙霞關同姓忽尋干戈仙霞關解莫倚

勢若建瓶仙關但問守是何人仙霞關羊腸化為砥平仙霞關哀哉大命以傾

仙霞關

用古之妙能使境與事皆奔赴之此筆力所至

寧夏王妾歌

翩翩華亭鶴棲止越王臺聞君有兩心故使開君懷昨日居籠中今日摩蒼

天念後彼籠中侶失成棄捐瓶墜百尺井何當復來還解城南亦有虎城北亦

有虎兩虎相與居無親為誰怒解狡兔阿誰邊走狗復可憐妾非愛富貴願得

死君前解拔劍斬仇頭著我漢家衣男兒欲作健安用低頭為丹山有威鳳振

羽來何遲寄語泉下人令名千載期解

明月洞

仙霞關河無腹疾奈何

桂林高不可折  
灘水深難以涉  
美人佩我通侯章  
何以報之死  
封疆側身南望  
蒼梧雲路遠  
莫致涕泗淫  
張生同死死不孤  
自云相國門第殊  
旃裘嘖嘖誇忠  
誠勿謂南朝真無人  
忠臣身雖可殺  
忠臣名那可沒  
墓前題字魂不識  
霹靂一聲

天

南溟霧

可與謝舉  
青行並讀  
吳羽評

南溟霧掃不開  
錢塘潮期不來  
魚佛鬱泣橫  
水龍之去雲為旆  
潮重來霧已掃  
拂扶桑日杲杲

今樂府終